

湖
海
詩
傳

湖海詩傳卷十三

青浦王 昶德甫輯

梁敦書

字幼循號冲泉錢塘人乾隆十二年舉人官工部侍郎

補山易詩話冲泉爲文莊公仲子嗜學好古詩得文莊家學并寫性靈研深工力其服官散歷中外懋著廉聲當東泉湖南時通梁文定公爲中丞拊循之暇修廢墜葺州鐵佛寺舊有鐵柱周刻陀羅尼呪爲淳化元年所鐫久埋土中因修寺發土得之當賜以遺余余爲作詩以記其事

蓬壺朝旭爲湯少光祿 先甲 賦文石

我公等身富著述書法恰與光祿匹餘事風流水石閒到處
搜羅不失一文旌近自思唐歸攜石滿篋生光輝過從主與
客成二冰羹清異爐烟霏或如江上漁磯濺剩有垂綸苔一
片或如峽內鐵堂開何處尋詩人對面其餘衆美難具陳就
中一石何玢珣海天一色白晶熒絕壁拔起凌蒼旻青黛模

餽澤欲瀉紅雲繚繞光紛射我疑火炎昆山巔又擬夢游赤壁下公言此是蓬壺尊初升朝旭蒸天闢小山旁列附庸耳餘霞倒映扶桑暎始皇求仙徒浪好博望乘槎恐虛蹈壺中九華昔縱傳海上三山茲可到于態萬象徑寸中一覽矚谷馮夷東縮地有術縮本畫蛟龍潛伏雲氣通是時庚暑方揮汗嵐氣波光動几案清絕茶甌又酒甌衣袖生寒忘日旰前年曾作萬勝游題品自謂窮巖幽今來觀止氣已懾砭砭詎與球琳儔公將旋京致使命敦也瓜期備朝請問字還當借異書玩石時從養本性

廖景文

字觀揚號古樵婁縣人居青浦乾隆十二年舉人官合肥知縣

自寒巖靈峯歷香亭

春風散晴和花塢繁桃杏登彼千仞岡澄潭鑒鬢影石陷地
自偏雲局境何靜躡屐力不勝拖筇上煙艇泝流舟行遲幽
趣乃全領灣環蝦尾洲款乃穿溟滓雲碓閒煙扉淡若邨墟
景萬卷書無存舊有萬卷樓遺址一川流自永清磬響林泉斜陽銜峯
頂誓欲窮仙源茫然凌萬頃

虎邱王茗軒卽事

山館依巖徑紅欄積翠分花寒桐院雨茶沸石泉雲倚竹悄
無語閒簾忽見君殷勤同惜別芳訊幾時聞

感舊二絕

遺真一曲譜真真舊事傳來墨暈新物換星移家樂散十年
春恨細如塵

鶴放孤山舉手招綠迷秋浦水迢迢何時重訪貞姬墓紅帽
青衫過六橋

舒城卽事

羃歷煙嵐到眼昏龍眠居士迹猶存畫眉聲裏穿雲去碧嶂
蒼松別一邨

寄石門

年來心跡冷如冰玉版禪參大小乘今日板輿過竹院白雲
深處擁寒燈

尚平事了一身閒扶病衝寒到此間竹枝芒屨人莫笑出山
原是爲看山

過米海嶽墓

寺門斜對最高峯梵宇蒼涼暮靄濃
孤城襄陽埋玉後更無

人倚十三松

王鳳儀

字延和號審淵太倉人乾隆十二年舉人官至西安鹽

道

蕭菊山房詩話延和爲孝言巡撫之孫和州述滄子與弟嶧谷皆能傳其家書學延和任蜀難從制軍督進汶川而人求其翰墨者益衆山腰谷脚行帳一區草束米裘之外綯素盈牀延和揮毫應之日取烏道蠶叢作爲畫本間以吟哦政所作益有凡橫戈躍馬之士見者都爲失笑

閒居有作

幽棲罕人事當晝掩籬門所得在靜理無論城市喧虛庭滴
深翠遶屋秋苔痕清風了無意惠然披我軒卽事生悟悅真
趣時復存古琴再三弄可以滌塵煩將爲洛生詠曲盡已忘
言

食菜二十韻

久客違鄉風每食念時菽湖蓴及山筍吳餉杳難續北方有
異萊佳者出安肅秋畦嫩甲齊茸茸已盈握肥霜飽根菜爍
然黃且綠巡圃割沙泥連車汗烏犢市販擔新柔園官薦香
熟先生藜莧腸清餓食無肉朝旭照荒厨闌干餘苜蓿忽欣
食指動觀頤得所欲一把已堆盤百錢行滿屋松薪燒破甑
浮浮煮黃玉妻孥勸加餐放箸自捫腹其餘壓老盆御冬誇
旨蓄得飽卽爲珍底用窮水陸適口味自長寡嗜願易足矧
此比醢醢天子亦已爲元修名旣喜信民言可讀逝將學灌
園芳蔬手親斲

鐵澁詩 並序

蕪湖鐵工湯鵬能鍛鐵作畫凡花卉草蟲山水屏障
無不精妙其山水巨幅必曠年乃成世不多見見者

皆徑尺小景耳好事者爭購之範以木懸諸壁間或
合四面以成一燈亦名鐵燈每幅輒值數金且不易
得湯旣歿他工效爲之終不能逮蓋錘鑪之巧前後
所無也同年山舟梁編修作詩見示賦此爲和

良工使鐵如使筆萬象紛紛躍冶出龜睛夜照昆吾寒碎翦
元金若無質隔牆鼓鞀疑有神洪鑪百轉燒酣春春枝婀娜
春蟲撲沒骨新翻鏤銀簇或爲巨嶂窮刻鏤十日一石猶嫌
促界欄銜壁懸玲瓏清光飛射秋屏空連臺四照九微轉蘭
膏掩映星星紅雲烟過眼千金換那及青瓜鍊烏炭巧匠爭
傳丁緩名寫生欲學嵇康鍛梅根舊冶尚輝輝不比當時老
畫師若教妙畫通靈去雷雨應隨龍劍飛

題畫時在灌縣桃關

少不如上書請纓終子雲健不如射生飲血曹將軍胡爲短
衣曼纓走萬里入山更與羣山羣蒼烟斷空白日匿山勢蒼
與天無極鳥道春盤一綫青龍湫晝閉重陰黑平生五嶽羅
心胸蠟屐欲躡松喬蹤猿啼鶴唳不到處落墨忽掃西南峯
高堂素壁坐蕭瑟絕壑時聞風雨疾莫指丹青當臥遊雲間
雪外方籌筆

塞下曲

萬馬出雲中三邊戍草空鐵衣春疊雪玉帳夜翻風健卒能
橫舉孤兒解帶弓漢家方遠略不敢薄從戎

空積寒雲外連營積雪間風翎時飲石火旆欲燒山駝馬收
胡幕金綃出漢關璽書猶未報大將在關顏
新賜單于宴前驅淨塞氛將開五屬國更調六將軍飛檄隨

邊鳥翻營逼陣雲金人初入獻驃騎已邀勦

沙市卽事時余權判荊州官廨在沙市距府治十五里

憔悴南冠久滯淫清宮花月劇駸駸官居近野諳田事蠻語隨人變土音故國萑鱸千里夢虛堂琴鶴十年心焚香執卷堪消日退食還應愧俸金

題畫

溪光黯黯常籠樹山氣空濛不辨雲還似江南梅熟候綠陰如幕雨紛紛
蒼茫風景黯江天竹杖芒屨入暮烟客思蒲帆秋水外詩情楓樹板橋邊

題查儉堂觀察北征集後

玉壘金城路透迤鼓聲聲裏向關河鞭絲帽影堂堂去又聽
西風出塞歌

雪花六月犯貂裘塞北風雲接素秋行盡蜀山七百里亂霞
黃葉是松州

玉門誰更繼班超老去戎軒髯半彫卻喜歸來笳鼓競載將

詩卷過紅橋

橋在松州

橐筆年來髀肉生新詩百讀感商聲短衣匹馬吾猶健恨不
從公作騎兵

王秉鵬

字含谿漢軍鑲紅旗人乾隆十二年舉人官至東河總
督有含谿詩草

宿松歸塘

鳥雀棲烟樹牛羊下夕原危峯疑阻路曲逕又通邨雨意連
山暗蟲聲徹夜喧數程已不遠十度月黃昏

晚舟

寒林有宿雅莫靄欲成霞火露漁舟暗星懸嶺樹斜板橋通
野寺草舍集人家爲問停橈處猶云驛路賒

邵齊熊

字松阿昭文人乾隆十二年舉人十九年 賜中書有

隱几山房詩鈔

舟次夜雨同江楓原蔣秋涇家兄叔一清話用少陵
宿贊公土室韻

古岸繫扁舟雨滴宵逾靜蕭蕭蓬背風寒燈淒孤影促座興
偏生清譚夕以永雪梨分玉乳鬪茗試龍井忘機意自得灑

脫性所秉聽雨旣愜願對牀愛夜迴二客況佳士清風綈箕
穎平生喜交遊一笑萬慮屏安得沈寒空素月出高嶺回首
望燕臺雲沒西山頂

舟次天津

南歸多逸興沽上問青帘落日大堤晚深林野水添津雲迷
估舶海月動秋檐空外寒砧急誰家女手纖

次杜林先生題壁原韻贈至上人

一桁青山倚翠筠山空省得是閒身濤聲欲墮松閒月雲煙
欣逢世外人勝處烟霞無定相靜中華木不關春禪心試看
空潭影魚躍萍開總見真

梁國治

字階平號岳峯會稽人乾隆十三年殿試第一人及

第官至東閣大學士論文定

過觀音巖

石壁立水外風濤浩洶洶何年巨靈劈幻此金蓮湧
豁豁幽竇液瀝垂乳湫飛空上危梯萬象羅森聳澄潭空
心顏倒景羣山拱江帆日暮搖回首蒼烟重一聲清磬鳴
上界香雲擁

過港口驛次雲巖侍讀韻

歇心隨處足

堂有歇心處三大字是董思白曾題學時書今非其舊矣

小憩息羣喧不見銀鉤舊誰

同貝葉翻萬年留寶刹

前有萬年橋時因以名

五字和慈恩歲歲星輶過溪

聲客到門

謳吟將楚曲要眇望湘烟永夜南樓月懷人北渚船前塵蓬
梗合客夢藕絲連我已忘情者題詩任晏眠

平定城樓天衢閣成詩以紀之

飛閣浮空接漢槎冠山濃翠挹晨霞關河榆柳連三月烟火樓臺出萬家幾度嚴城籌保障偶從賢守話桑麻蓬瀛天際塵難到指點人寰路未賒

汪廷璵

字衡玉號持齋鎮洋人乾隆十三年殿試第三人及第官至工部侍郎有賜書堂集

題蔡葛山先生觀海圖

蒲昌引度絡西北百谷分道趨東南六鼇鼉屭拱地軸離坎應位陰陽含閭山磅礴結霞嶠辟易金廈千峯嵐就中太武更弁崑嵯峨嶺嶺羅諸男天雞跼旦閭闔啟樽桑高射蓮華龜此是先生讀書處十年月窟天根探罡風弄歛雜魚梵匡

牀靜課爐香。翫前萬象露似詭。馬銜鴈。映虬螭。驂臨崖振衣。縱目近取遠。納歸淵。涵畫圖。寫景兼寫臆。神運直使鯨鵬慙。我昔向若躡旗鼓。二山名卻步但解捫籃筴。至今落筆謝蠡勺。望洋欲語徒嬰娵。

迎鑾赴榆關宿永平試院見舊刻三松歌因和其韻

迎鑾道出榆關東。寒飈已戒律未冬。平州官廨暮投宿。重門授鑰塵猶封。佔曲磴路入奧。菱山堂突兀當龍從。堂前堂後雲影羃。舉頭瞥見三喬松。徘徊庭除夜霧合。未遑掃石披蒙茸。詰旦整冠爲肅揖。千尋古幹何鬱蔥。是時曉日吐光采。金支翠葆扶童童。上拂華蓋蔭曾宇。下拖霏霧連崇墉。昔賢駐節發高唱。遙想振筆凌長風。我今銜命歷畿甸。輶軒北

指經虛龍夷濟古廟在咫尺仰止孤竹欽遺蹤屈蟠之叟雖
未識夷齊廟中有屈盤松以此例彼將毋同寒垣雪早沒山骨停車難覓

霜林紅惟有虬姿轉蒼翠天雷藻寫元冥窮岑樓忽落步虛
響仰視壽嶺翻琤鏦乃知德產厚雨露因篤直儼人材鍾豈
容樵牧涸斤採要待匠石勤磨礪苦心造就始適用抑高舉
下猶張已會當奇文副嘉觀磊落翹秀開心胸詩成策馬尋
古道灤河繞岸聞山鐘

素心蘭

花葉澹如此庭風露深炎埃吹不到空谷香難尋潔白生
詩意寂寞琴操音虛堂冰鑑在晤對有同心

題從木蘭曉發都門

金枝肄武天家法侍從班掄驂乘人風襲弓衣初滌暑露

零車憶不飛塵平橋沙軟駝蹄淺馳道陰濃馬步馴北望雲
莊猶六舍懷恩感遇倍駢駢

題皇六子燕坐圖次韻

花香鳥語有禪蹤靜掃蒲團簾影重小憩便參尊勝座無言
兼息辯才鋒庭前苔長聽經石屋角雲移作禮松結習未除
凡骨在一瓶慙伴六時鐘

奉命祭告東嶽恭紀

城闕更籌肅麗譙廟庭燎火徹通宵天閭詆蕩趨重殿神陞
森嚴備百寮盛德大生羣望長明禋晉舉萬靈朝春巡鑾
輅申昭假早有繁禧集慶霄

冬夜朱石君同年招飲新居有詩索和走筆奉簡

蘭堂夜飲舊坊東

新居在舊宅稍東

老遇歡場故態同屢索三升新釀

白蜃澆十丈軟塵紅盞簪落落星低曙飛轍匆匆燭散風早
貴如君誰得比年華猶是日方中

朱珪

字石君大興人乾隆十三年進士今官戶部尚書協辦
大學士

滿揭山房詩話參政兄弟少入翰林卽以高文典冊耀蓬萊華蓋之間爲菽林
所仰垂三十年然其尙名教敦清節世或未盡知也在山西布政使司以方正爲
巡撫所嫌謂其不諳吏治由是仍改官翰林久之上深知其公正廉潔屢起
用爲巡撫入長吏戶部而參政愛才下士士以此望而趨之昔韓忠獻爲中正
所歸而於元祐諸賢未嘗偏徇葉文忠爲清流眉目而于東林君子亦無私好參政蓋深得此意者也

已卯仲冬奉 命祭告南嶽定興道中月夜觀雪

皎月下積雪竟空生白烟氣寒清無風涕唾琤冰堅圓靈際
大地凍光一色連河漢失蕩漾列星收精躔雪月本同居一
鏡照雙妍羿如與玉女交手拍皓肩旁舞萬靈娥助笑開瑤

然戲吐玉池水萬頃瓊瑤田夜行不可耐絕景誰當傳

喜雨呈舅氏冀寧公

司牧額上泚農夫眼中淚齋心哀龍公迸此雨脚脆久愁雲
慘澹暫訝珠瑣碎綿綿聽簷溜欲斷屢驚悸遙知四郊外點
點入芒穗行恒交雲根汾漳欲潤氣居然生枯槁不忍嗜薪
雞深慚肉食鄙靜念糠粒悴汝句謹齋廚頗狎菜根味行當
賽雨師歌舞薦祈禩寄臂白水翁

杜詩白水見舅氏

清宴許我醉

蒙

恩復入翰林竹君兄以詩見賀奉答

方材宜軫園宜穀散樗亦受膏霖沐車行平地穩栖雞巢近
高天收野鷺十年悔不熟讀書一枕何當淨揩目君如退之
苦詰盤我學方平計鞭扑布帆無恙到三山肉芝可采輕九
牧羨君高議開石渠坐令玉堂生暖豈子雲口吃頌鴟夷不

能爲舌聊爲腹偶作劉誓妻
桴臙深辨頡書神鬼哭東坡有
弟何敢望太邱必世應知惡漫誇
屋上星蔚然且聽窓前雨
滲漉

富陽道中次黃左田韻

之江晴湖搖空蒼蔚藍倒影涵渺茫
暗潮漸遠沙岸靜碧玉簪彈菱花
妝山枝誰唱思公子鷗浴僚翻亦如
此卅年老我七往還巖頂桐君青不
死昨來桴棹錢唐東鑑湖鄞江風景
同釣臺七里最幽絕一重一掩探無
窮髭霜齒抗慙學道山鬼有靈顧我
笑御風黃月更何人如此江山竟空
列連宵月出華滿江金波蕩漾流珠
降眼酣心醉玩不得清夢不隔蓬萊
窓同游初平眞妙器餐霞已識筌
蹠棄然犀照水漫相矜靜鏡浮烟我
何意上灘邪許篙力柔下灘風動箭
射昨從流

順逆各自努一奩江水長油油

游半山觀梅花

半山山後神道路廿里梅花香潑霧交林夾徑行愈深萬隊
霓裳擁靈嫵散花天姝香國來優曇薝蔔彌天篩眼根鼻觀
住不得八識淨澈庵摩開江南鄧尉香雪海莆田凌厝名如
在洞天咫尺知者希吳儂爭艷天桃蕾盤陀居士偷學閒目
成萬冶甘孤鰥儲兒生長依冰玉斛量梅子收梅田可憐香
色多傾國雪霽暉移光欲泐一篙回首百徘徊夢魂飛徧琉
璃域

謁東坡亭卽公白鶴峯故居在歸善縣城北

入州督罷嶺外游三年故客仍淹留合江嘉祐未黔突買山
更上白鶴頭我行殘臘月正望百七十里勇未休惠守導我

謁祠蹟北江繞戶開軒幽山僧指觀百尺井當年手鑿勿幕
收嗟公丙子作重九朝霞已卷孤光秋明年又復渡海去逆
旅電逝真虛舟大賢所憩人愛樹況此鴻爪了可求公神跨
鶴返奎斗萬世俎豆同魯鄒如公遷謫尚不朽而我擁節慚
鞠謀西隣咫尺勾漏令東望拱揖韓潮州他時誰識盤陀老
竭來此路停軒驪

舟行

粵人送我五嶺北皖人迎我三水南我身浮雲寄空曠誰將
逝影求江潭三年種樹未翦愛連宵好雨宜稼甘舟行遲遲
聽襖靄岸沙漠漠紆烟嵐吏民猶見古直道祝我此去當迴
鑒我謝邦人情豈忍力微恩重才非堪蠻風瘴雨費調燮
海鯨島鯨難驅散書生何有銅鑄柱宦跡或可山留龕食猶

戒肉鐘敢默飲能敵水泉焉貪皖山江月吾肺腑昔年餘澤
猶津涵道傍父老喜露冕燈前竹馬歌趁趕他時記我竭來
處桑下已宿浮屠三

六月廿七日竹君先兄忌

最了無生旨難忘不朽名文章金薤重富貴白衣輕芳樹空
連理青山酹一觥相知論海內作誌愧樂城

詠顏平原

妖星照野海飛濶灑血何人首築壇西望常山舌不爛南流
睢水齒先寒論功千載汾陽郭轉敗三齊卽墨單忠義神仙
同脫屣漫將尸解擬劉安

或疑公好神仙不
知公真不死矣

馮浩

字養吾號孟亭桐鄉人乾隆十三年進士官監察御史

有孟亭詩文集

兕觥歸趙一十六韻

前明萬歷初常熟趙文毅官檢討劾張江陵奪情廷杖除名徵許文穆官庶子鑄兕觥以贈歷經通

流今仍歸公五

世孫王槐明府

文毅拜杖時陰雷動天異

編修武進吳公中行首疏同杖時得吳趙史鑑墮吳傳云杖時陰雲四起天鼓大震故據以為言

肉腊而藏中閨凝血淚

體肉橫落夫

人腊而藏之兕觥為餞贈銘勒廿四字前

輩潁陽生論交初未貳

款云潁陽生許國為定字贈文題贈

門戶此萌芽班聯紛擊刺

禍烈人凋殘運窮國殄瘁大端垂史書遺物綴傳記推移二

百年復始歸苗嗣追溯收儲家六七屢遷地朋來競捧玩酌

彼或酣醉斯須設輕脫非意驚翻墜諦觀古色深沈黝濫溫

粹感歎昔諸公一一神所庇拜藏欽祖澤禋祀守宗器舊侶

玉杯亡

許文穆錫玉杯贈吳公今不知所在

江東無有二恒山竝高門忠毅儀如意

高邑趙忠毅物

以同姓故及之

舟中喜見惠山

青山斗入空船裏山氣薄人襟袖起此身坐臥此山中何曾
限卻衣帶水山頭晴雲作絮飛山下落木山風吹復開水面
寫山色煙鬟隱現時可窺鴛鴦湖邊無寸碧秋蟀春鷗思蠟
屐山靈莫笑行客忙老去方宜弄泉石

于忠肅公墓

九廟將傾隻手當旋令中外固金湯濟時遠勝唐靈武失策
羞稱宋靖康絕塞居然生馬角元勳何罪死魚腸氛霾披豁
青霄朗高揭丹心日月光

錢汝誠

字立之號東麓嘉興人文端公子乾隆十三年進士官

至刑部侍郎

敬業堂山躑躅盛開主人招飲花下詩以紀之

趨庭指點說兒時
今夕歡同杖履隨
曾是高曾遺手澤
能無淚灑角弓詩

萬株火齊萬玫瑰
一朶花空傾一杯
花影在杯杯在手
主人愛客客休回

李中簡

字廉衣號文園任邱人乾隆十三年進士官至侍講學

士

辛巳季春五日龍池紀遊二十韻

一百五日天氣新
三十六梁春水漲

龍池下注三十六梁

坐惜鶯花催節

過來追觴詠龍池
上龍池風景城西南
碧草芊綿彌一望
屢穿曲岸起烟津
豁眼垂楊拂畫舫
新荷平鋪饒妥貼
迸籜孤

抽空倚傍山川佳麗客後來臺榭玲瓏誰始創細檢題名無
故老劇憐磨盾輪飛將千金百戰想風流白髮青山對惆悵

池上有明將軍劉子龍一聯聯括其語

池心構亭發興孤水面看山得神王最好沖融

竊窺中玉壺風聲生微浪回身俯檻窺水源蟹眼松風迷想
像不知地脈濟南如

濟南泉水皆如湧珠

錯疑天漿帝臺餉遙見紅裙作

薄遊正逢象板邀低唱堤邊桃柳認新栽牀腳龜魚憐舊放
佳處全分西子湖秀色小亞南屏嶂春蘭秋菊不同時地角
天涯官相讓已知勝蹟須品評况復塵蹤得寬曠鴻爪安知
鄉夢遙龍槎一任蠻碑妄向晚殷雷送微雨坐深纖月窺夕
帳歸途不用鳴騶喧清景隨緣余所尚

辛巳三月六日自永昌起程聞金雞邨有溫泉迂道

訪焉賦詩一首

板橋東去風日喧十里五里雞鳴邨粉蝶不斷菜花路綠水
自穿楊柳門縱心獨往偶成適懷古百端誰與論春山又送
馬蹄遠萋萋芳草思王孫

張裕榮

字幼穆號樊川桐城人乾隆十三年進士官至國子監

祭酒

琴城課士圖

爲廬太守高作

長吏帥斯民身教與言教士爲民之秀閭左是則儆成人旣
有德小子亦可造其風返古初其化始學校奈何吏道雜操
術昧津要百里丞侯封覲然執同瑁空遊百室林譬如身未
到賢守令琴城愛士勤啄菹胄子抱書來一顧掀髯笑講堂
曾手闢水木澄瀟照諸生謹程課佳時赴期約音門闌停阜

蓋牕几側烏帽藝苑鼓笙簧文壇卓旌纛子良藹如春心香
靜繚繞長者坐泉比靈臺詎能肖閒與章縫游魚水入罽罽
涕唾視繭絲談笑馴虎疏必運北溟鯤鰲隱南山豹惠然示
茲圖侑以詩古調展卷生清風太息發長嘯今之古人哉一
洗世俗誚五馬鳴鸞鑣旦晚聽 綸詔豈惟韋丹碑但誌一
隅效壺漿溢康衢敢爲迎者告

邵齊然

字光人號開谷昭文人乾隆十三年進士官至杭州府
知府有聊存草

蒲褐山房詩話開谷兄第五人先後登科第入館閣而開谷尤以風度勝故京維
名人交口譽之及以部郎出守杭州修學校纂志書文教一新因與巡撫監司
諸公交游而卒開谷尤工書學蘇文忠公時與河東運使沈君栻齊名今維
摩與福諸寺閒遺碑具在中吳人士所當摩挲把玩也存詩雖少而清婉可誦足見一斑

九日法源寺看菊晚過王述庵寓齋小飲分韻得客

字

涼風吹我襟草木日夜易黃花於此時凌霜露標格閒尋古
招提入門有奇獲周羅軒階前僧意新珠璧滿頭插未能開
口笑自適秋光殊可愛爽氣侵肝膈招攜素心人歡會旅肴
核論文氣如虹射覆手屢戟慮不牽世榮心已醉佳客厭厭
且莫歸微月窺簾額

新秋夜雨

每到秋來雨淒涼滴晚空無端當漏靜不覺入愁中明滅一
燈影飄蕭半夜風暗隨黃葉墮清響上疎櫳
耿耿人不寐蕭蕭聽未稀有人愁永夕無語對孤幃殘穗挑
將盡流螢溼不飛秋風看貼體應悔典春衣

劉星焯

字映榆號圃三武進人乾隆十三年進士官至工部侍郎

贈廖古檀明府

三泖湖波近若耶人家水木舊清華安仁詞賦知名人不待河陽始種花

金斗城高鎖綠苔公餘攜鶴任徘徊知君懷古多情思定上城東鮑照臺

查禮

字恂叔號儉堂宛平人乾隆十三年由監生爲戶部主事官至湖南巡撫有銅鼓書堂集

蒲褐山房詩話中丞爲蓮坡先生弟能吟詠竊竊客憐抱與兄相似尤嗜古印章金玉銅莢自居子行王厚之兩下名人鐫刻者無所不備藏弄至有千餘生平益蜀最久而居西南松潘徽外者十有七八崎嶇險阻爲羌人所服偶歸省重築楊文憲升菴崇花竹招邀爲文酒之會然亭衛初達遠興龍蛇此勞臣志士所爲扼

稅太
息也

西峪雲居寺

山坳結花宮朱甍隱石罅下馬尋寺門門前碧澗瀉住僧喜
客來整衣遠相迓遂登十笏堂竹樹侵臺榭古殿氣森嚴四
面羅精舍拾級歷愈高漸與鳥巢亞焚香塔影圓禮佛磬聲
罷齋厨甘淡泊客飯氓高下坐令塵俗心種種冰雪化地靜
堪讀書將期半龕借

宿西峪雲居寺後院

深峪夜尤靜懸空宿高閣推窗看前峯一片青漠漠星斗插
檐間巖花露露落萬籟寂不喧秋氣滿丹壑孤鐙繫剎竿令
之頹寥廓倚林山鬼嘯蘿帶想綽約坐久月上東遲回入簾
前經牀方假眠天風掃殘籜

兜率寺

連巖勢迴抱未測深幾重古寺居中央白雲當戶封入門見
老樹滴翠清陰濃鯨魚靜不鳴碧蘚生廢鐘殿背嵌經版活
筆含纖鋒坐讀淹晝晷微言懷眸容諸天本閭寂塵土無由
逢僧雛喚客起更踏前山峯

登文殊殿後閣晚望

遊屐遍山阿腰腳仍未倦登高望所遊歷歷眼中見向背羣
峯殊陰晴衆壑變喬枝飛木葉瑟瑟與秋戰壁閒佛像古紺
目白毫現明季肇塑雕內監督營繕此身非常住百年等過
電躑躅下閣來清梵起鄰院

清音洞

一水源源來漩澁逼山足山石空同開亂流入山腹沿流側

徑通往來走樵牧水積漸成溪溪遠更紆曲鬼工鍛幻形天
匠鑿奇局邱整理所無亦竟結空谷斯遊得巨觀是時冬氣
肅取徑穿洞過康崑若廣屋鐘乳延苔花垂垂挂碧玉小坐
骨寒衣裳染蒼綠此中有清音涓漣奏琴筑洞口含殘暉
煙光散林木幽邃宛畫圖閒雲遮縱目名山比高人避世遠
塵俗隱跡峙荒陬意可避榮辱孰知萬古後偏我蹈其麓摩
崖更題詩山靈勿謂瀆

嵐光洞

陟險歷亂山身若蟻旋磨空谷響急流略約溪閒臥微吟眈
尋幽嵐光爲我被宵然一洞天邱壑生頓挫人自洞中行水
亦洞中過石徑多崎嶇心悸崖前墮下瞰水底潭澄清不忍
唾漁父舉網來舴艋雨三箇登臨恣所向徘徊步還坐鳥語

其泉鳴終古聲相和

登摘星陀絕頂

入山頗盡登臨目翹首高崖還側足褰衣負杖結伴行磴磴
芒屨踏蒼綠猿驚鳥駭路若線俯對康賓萬丈谷愈危愈進
進愈難直自腹腰度緣督循初憚險中道返予獨爭先尚馳
逐近巔忽見雙峯開鴈風洶洶振萬木薄寒宜有肌粟生盛
氣翻教汗如沐行行漸與纖緗邇匍匐欲前先頸縮木梯數
級懸虛空若掉都盧憂反覆百升豈有天可飛一跌定知魂
不續全身眩轉付雲烟餘念逍遙託鴻鶴須臾越險陟山尖
枯僧待客茶已熟自言卓立久不眠屏絕醺鹽甘菜菔得非
金世鐵頭陀靜聞恒沙如轉燭我來亦覺塵境忘下瞰羣峯
殊碌碌北望紅螺僅隔巔隱現嵐光照茅屋南望桑乾近不

遙一帶蜿蜒界沙陸卻愁歸路益嵯巖
機未斷仍下坡如鷁退飛宋都六古賢
居室戒垂堂大道康衢憂脫輟何爲漫
試榛荆開蕩澗騰坑狎樵牧東坡昔上
吳王臺亦有同遊臥九曲歸途客問摘
何星笑指星光若朝旭

石經洞觀隋靜琬法師所刻佛經

佛法東行自秦景殿庭夜夢金人影
洛城白馬馱經來畫像遂遍清源臺
月支于闐翻譯凡幾部小品大乘紛莫
數法苑最鈔貝葉書香林夜散曼陀雨
茫茫大地分劫塵或恐銷沈異今古
隋代沙門有琬公慨然念之憂心中誓
將四百二萬言一一勒石垂蒼穹鐫摹
四大部點畫釵腳工其餘弟子復繼
作海屋五季猶未充太平清寧續刻亦
繁富合計二千七百餘石瘞其中萬人
乃畢一人力慈雲廣覆蓮花宮我來不

見寫經客但見悵悵古洞青瑤石鉅鋒深刻等摩崖周遭舒
指捫四壁雨淋不到日不炙鏡光欲照鬚眉碧遙思隋時歐
褚猶未生筆蹤乃爾多精英恐是真範先生劉元平或者司
隸大夫薛道衡摩挲躑躅不忍去眼底萬斛明珠傾重尋八
洞徑屈盤銘鐵作礧石作欄俯闕疊石密于櫛亦有側立高
巒屹窗櫺隙處露字畫縛帶掃拂真奇觀穴深直疑剝地肺
當日或使神工安春雲陰陰春晝寒秋風颯颯秋光殘爐香
不絕清磬杳千年無客來開闢因慨吾儒六經光日月鴻都
古本多殘逸開成以後訛亦多薛蝕落侵如棄物昨朝偶得
嘉祐本千百石中存什一孰若此經閉置名山閒碑碑完好
無闕刻豈真龍象永呵護定力不受風輪旋吁嗟乎讀書衛
道何人職空與緇流競得失每逢奇境心膽雄茲覽尤覺情

突兀負筇肩笠取逕欲下山滿山莎草蟲唧唧

投半壁店僧寺

拾坡尋宿地秋柳繞田塍均水甯殘碣孤雲伴老僧
蕭菴寺過雨山店夜明鏡一榻支頤臥幽懷夢裏增

涿州懷古

荒臺殘甃堦雲橫巖邑從來慣用兵二水爭流環傑閣千峯
連翠落高城精廬尚有鐵椿覆仙館應無赤鯉迎試看童童
舊車蓋樓桑邨外暮煙生

春暮散步城東渡河過香林院小憩田舍晚歸

潑醅新水滿塘坳潏潏晴光浸柳梢三月海螯初上市一春
江燕未歸巢澄懷豈必常高臥遠眺無妨出近郊寂歷紺園
人不到隔牆閒聽梵鐘敲

喜中及甫上舍自都下至招同紫仙荆帆西顙江泉
循初文錫及心穀兄飲舍南小築分賦得九青

寒雲如凍晝冥冥忽報征車遠叩局我數梅花登小閣人隨
臘雪到閒庭眼前誰市千金駿座上休孤雙玉瓶更喜卜鄰
酬宿諾清吟應許百回聽

寒食過水西莊雨中作

歲月侵尋歎擲梭身同泡影感滄波水西寒食煙猶冷門外
梨花雨正多悶憺殘書人懶讀喜添新漲客須過可堪載酒
呼漁艇獨把魚竿溼短簑

夜坐

池上茅齋竹外亭風來微覺有芳馨月當夜瘴消時白山向
秋林闕處青卻飲非關愁酒病品泉猶得續茶經太平一載

侵尋過暫許偷閒枕席寧

暮春竹樹青華居卽事

閑寂西園景物疎
清華竹樹襯幽居
一灣碧水侵階淨
幾疊青山入檻虛
春暖老奴時曬藥
花陰小吏日鈔書
天涯領郡稀民事
吟詠無妨案牘餘

王德甫考功由滇南來川以詩遙寄子月六日偕趙損之抵汶川留榻行館因次原韻以答

拂廬連壘結瓊鄉
雪片封山冷夕陽
徼外鳥啼邊草白
關前馬踏陳雲黃
短兵西向如飛礮
上將南來定破羌
報道故人歸騎至
肩邊傳筆助疆場

峻谷蠻江作縹緲
斑斕山勢接天高
裏糧計可爲三覆
掃穴謀須用六韜
絕域烽烟征雁避
殘年孤月野狐號
凱旋屈指

無多日古句先期詠大刀

飄泊萍蓬跡略同近攬鋒鏑百蠻中
錦衣軍駐桃關北畫省郎馳玉壘東
寒夜小畱欣有伴吟壇闊別恨無窮
圍鑪剪燭西窗下詩律當嚴似卽戎

約王德甫丹仁趙損之明守亭過行帳小飲

萬馬西來塞草荒連山積雪少春光
弓刀隊裏藏身健風雨聲中感話長
羽檄頻催疲轉粟烽烟高起強傳觴
相逢盡說籌邊事嘯詠誰堪靖戰場

余慶長

字元亭安陸人乾隆十五年舉人官至成都府同知有

壬癸詩案

蘇山房詩話元亭生長楚中蜀嗜陳季立顧亭休之學爲人淵靜閒止薄宦川
滇非其好也告歸後益留心經術古文亦精深簡潔詩偶爲之然如牂牁名士旌

湖海詩傳卷十三

張叔河北文章重魏收娼耕養母旌江革尚節懷人織范雲知有小閣臨開府可
能大樹號將軍高情已欲舉黃鵠中隱且從盟白鷗旗工執事隨子雲南江西慕
中十餘年極爾同志又爲子撰銅政考八十卷
始終本末瞭然畢具亦食貨志必採之書也

人日過莫浪坡

蛇盤青嶺竄猿落白雲窠人日常爲客天涯復此過春烟生
石磴孤夢逐江沱行息菴前水清泉倚薜蘿

退思堂懷輿山太守

十笏頽椽薜荔牆無端躑躅退思堂子瞻詩和陶彭澤漫叟
歌招孟武昌簿領閒時惟閉閣賓僚散去自焚香平生心跡
眞蕭瑟落落高風未可望

寄楊虹孫李翼茲兩進士

關西清德傳楊震北海詞林有李邕一見又知旋遠別兩年
莫得問芳蹤文須久澤纔成豹性不能馴未是龍欲寄詩無

阿買寫最難療處病疎慵

吳翀

字在揚吳縣人乾隆十五年舉人有艾香吟草

包山

巖舟入包山曲徑引幽翠蒼松旣鬱盤寒篠亦密被潺潺瀉坡漠漠雲封寺始至疲已忘隨步輒領異不辨五湖烟但覺千嶂遠時有樵聲來瞥見山僧至畱憩飯伊蒲參證無生意指點毛公壇幽間起涼吹仙蹤緬已杳養真夙所嗜安得謝塵鞅翛然此孤寄

擬韋左司寺居

白雲護禪居獨夜聞葉落清氣習靜知悠然滿山闕吏事謝喧煩幽興耽澹薄不見同心人鈴語慰離索

將至武昌寄王西莊

鳴盛

浩淼江流吳楚分故園回首悵離羣一聲落雁佢殘照千里
孤舟入斷雲露白紉蘭悲屈子峯青鼓瑟弔湘君登樓幸有
同心侶玉笛吹時得其聞

詠懷

啟期三樂興何長帶索披裘豈是狂劉項空勞爭逐鹿穀城
相笑等亡羊花邊好鳥春風酒松下清琴夜月香莫問行藏
尋管輅殘僧野鶴其徜徉

黃文蓮

宇庭芳號星樑上海人乾隆十五年舉人官泌陽知縣
有聽雨集

夜坐

月出臨廣除，踰陰見殘雪。松竹一掩映，光景洵清絕。端居寂
無聊，攬衣坐超忽。稍聞宿鳥喧，漸覺爐薰歇。我欲撫瑤琴，幽
懷誰與說。月送孤鴻飛，碧雲渺天末。

題秋林讀書圖

秋氣忽淒厲，落葉紛階除。之子抱古處，閉門絕軒車。涼風在
簾戶，清影交絲簌。凝塵湛瑤席，時復陳吾書。淵淵潤金石，渺
渺親黃虞。道腴得至味，不知饑與餒。子困世網未結，山中
廬古人日以遠。芳歲日以徂，何當共饌粥。悠悠謝簪裾。

石琴精舍用韋公義演法師西齋詩韻

西峯古巖下，日夕聞清磬。蘭石無人蹤，松風悅禪性。茅茨帶
修澗，香積依樵徑。回首重林端，白雲度山暝。

寄懷王德甫效山谷體

臥病秋光殘懷人江路永記別初夏時忽忽山窗冷竹几裊
香絲繩牀蹲藥鼎碧梧吹脫葉一一下苔井坐憶鄒湖西碧
玉光千頃水際鷗鳥眠烟外蘋花暝夕陽沽酒橋夜月吹簫
艇更愛雲中山九點環高嶺松蘿樵徑深梵唄禪林迴勝地
愜清游幽尋足遐騁獨惜抱秋衾閒對孤燈耿會須把釣竿
趁此烟波境著我綠蓑衣同君背笊簍

拜韓忠武王墓

西風蕭蕭靈氣蒼古松離立參天長穹碑十丈字盈萬銘功
第一韓蕡王蘄王當年佐大業手撐半壁歸錢塘金山一戰
破敵膽中軍袍鼓資紅妝紅袍得脫實天意不關獻策燒帆
檣官家魚水格天閣燕山夢斷徒悲涼英雄束手置閒散良
弓克敵嗟空藏奚童蹇驢足游豫日對山色餐湖光嗚呼中

興柯四將局促那數劉與張精忠鄂國洵伯仲黃龍痛飲情
慨慷一生一死豈異軌韓忠之戒何煌煌只今寢園絕樵採
賜莊風景連滄浪千秋魂魄應戀此棲霞回首驂翱翔冬青
社宇恨未滅令我懷古霑衣裳

趙忠毅公鐵如意歌爲外舅作

空堂白晝生雷電倏忽光芒射星漢興酣決眼三摩挲知是
尚書舊時玩尚書嶽立森孤標彈壓婦寺清羣寮陳辭直欲
誅曹節抗疏何嫌劾趙嬈茄花委鬼相糾結忠義生平嘗噴
切想像悲歌擊節時中宵起舞情嗚咽一自飄零別玉鑾荷
戈遠謫鴈門闕徒聞竿下金雞放未見天涯戍客還東林舊
事成千載古製蒼茫閱人代碧草荒苔埋沒多天垣星斗依
然在太息孤忠照古今畱傳舊物等球琳試將銘語分明誦

彷彿當時鐵石心

得曹劒亭舅氏書知有悼亡之感卻寄

寂寂滄江候雁過
瑤華萬里慰蹉跎
寧知荀粲傷難再
頓使桓伊喚奈何
遲日板輿勞獨御
畫簾微雨漫悲歌
留賓苦憶開西掖
夜夜琴尊聚玉珂

過王存素寓齋有贈

竹梧小逕啟雲關
酒伴詩朋其往還
結社幾年依北郭
捲簾終日對西山
松陰滿院閒調鶴
月色經秋好放鵬
便擬滄洲共乘興
看君潑墨寫孱顏

香櫞

別種江鄉重倚田
山家爭摘晚秋天
疎林霜後香偏遠
小閣裝來品自妍
每到嚴寒封蠟蒂
最宜遙夜伴茶煙
笑他兒女

誇新樣綵縷低懸斗帳邊

蚤春過趙升之邨居看梅兼寄吳企晉

溪雲林靄望中移數里江邨步履遲閒客正宜無事飲幽花
偏愛半開時水邊烟淨浮空影籬外香來露瘦枝忽憶銅坑
山下路十年風雪負前期

王元啟

字宋賢號惺齋嘉興人乾隆十六年進士官將樂知縣

有祇平居士集

蒲褐山房詩話惺齋冲和厚重神觀從容足爲後生矜式工古文尤熟於宋諸篇
書通鑑綱目皆能再三尋繹補其遺誤又長於推步前史月日參錯者均爲考定
惜名位不彰人地知者曾主山東濼源書院余奉使至濟南往訪之始得悉其
學術嗣後有所論議必寄於京師故祇平居士集若干卷亦予與令子尚珩攜至
南昌所審定者

題杜太守

甲

知通州日釐正祀典罷榷油酒雜稅二

文彙後二首

瞽宗祀先達後學所矜傲奈何從賊臣妄使玷鄉校

時興藻德監刑鄉賢

杜公領通牧志在維風教念茲關勸懲僭差不容稍直筆彰
信史詎任彌縫巧錚錚數百言震耳若驚爆綱常一以明栗
主旋毀橈誅彼既死魂足使人心忤死鬼豈足誅維用勸忠
孝

關征暨屢稅國賦自有常誅求逮負販奉法殊未賊公心切
民隱疾痛如身嘗作書告大吏陳義何慨慨飛章達宸

聽

恩語來天闕歡聲動衢巷共拜

聖澤長乃知盛

明代選吏須循良德澤不下究吏實乖其方公恩廣且永潞
水同汪洋

故明金御史殉難詩

御史名毓嗣保定人崇禎末奉命監李建泰軍山右未至賊已逼退保保定城陷入井死

乾坤湏洞煙塵昏。狼狽蜂蟻紛聚屯。橫流潰決不可制。逆勢
直欲滔天奔。金侯攬轡胥溺逝。將赤手堙崑源。茫茫晉土
皆賊壘。右臂已失寧復論。畿南郡邑實門戶。走保鄉土堅藩
垣。妖星忽熾帝星隕。六宮九廟咸灰燼。復仇討賊志彌烈。皎
皎大義明朝暉。毀家犒士博死力。爭先徒步當輶輶。山摧地
裂鮮完土。勺水莫止炎岡燉。獐鷕蕩瀟簸宇宙。孤松豈得牢
其根。危城旣破身與殉。英風颯颯飛忠魂。維時守臣重首領
迎賊。往往先開門。失身蒙恥等一死。視侯不異狐與豚。侯之
志義耿不泯。去之百歲今猶存。寒泉古井人莫汲。時有虹起
光蜿蜒。

湖海詩傳卷十四

青浦王 昶德甫輯

劉 墉

字崇如號石菴諸城人乾隆十六年進士今官體仁閣

大學士

蒲褐山房詩話予以乾隆戊寅為中書舍人時先生已觀察山西後四年召直武英殿校書初至京師見文正公公方閣下所題李龍眠畫十八羅漢贊公問曰曾識王其否對曰未也公因指冊中一應真像曰王其似此故先生嘗謂曰我兩人定交于國畫中也文正公清德重望雅不欲以詞章自見先生如之先生督學江蘇浙江及予在陝西江右念及楓手書近詩見示清新超悟有香山東坡風格十餘年所得甚夥而漸次遺佚門人陳子節因合梁侍講同書唐鐫于西湖上名劉梁合璧今所採者皆合璧中詩全集則未之見也

題阿少司空 廸斯 等河源小像

二萬輿圖驛使通遠探星宿被 恩隆一源迢遞來天上九

曲分明到眼中密勿陳情歸 聖鑒飛騰絕域嗣家風斯

人宛在無今昔鯨背游仙問海東

進庵司寇惠及水仙木瓜賦此以謝

秀啟珠胎蘊妙香不離色界住仙鄉晴雲窈窕生虛白新月
嬋娟上晚涼幽夢乍回天半曉伊人宛在水中央朝來解佩
留餘馥應爲凌波託意長

拜 賜曾需貢篋臨香清色正果中珠何人投報偏酬玉幾
處園林競鑄金風露滿盤生遠思芝蘭入室有同心便因雅
貺成新咏一種清芬懷素襟

大士巖

蒼巖近接舊山房藥竈茶鐺入草堂黃葉滿林多老樹綠陰
一徑有垂楊新參大士心源寂屢夢前塵水月涼他日宣成
歸小隱繞檐雲海看茫茫

贈日者

小黠從來是大癡紛紛六合又三奇
人間富貴誰偏有天上星辰爾遽知
何事一身還作客更憐八口亦長飢
鴉鳴鵲噪原無過載好其音且聽伊

用石霜語

贈相者

把鏡回看便了然底須骨相問流年
祇應鬢雪將人老那得心光伴月圓
媿我支離形似鶴笑渠落拓酒無錢
春風楊柳長河路認取誰農待喚船

題曹麟書學士天下名山圖

不知雲夢芥吾胸蓬島方壺有路通
曾倚鼇身看日出又凌鵬背試培風
尚平婚嫁何嘗累顧陸丹青未足同
他日窺窓誇曼倩真形五嶽在囊中

題大學士英勇阿公雲巖小照

坐斷空花不計年
心光常照意珠圓
却參枯木龍吟句
八陣風雲玉帳前

萬里歸來鬢雪新
桓圭袞繡畫麒麟
白雲無盡閑舒卷
依舊青山似故人

石室松風滿意聽
濤翻雪落語泠泠
不須更覓無生話
此是新傳了義經

彷彿拈花笑口開
等閑蔬笋味鹽梅
從容幾刻爐烟裏
佛語親承拜賜回

題徐樹峯問僧圖

有何不了更求僧
韓偓兼青那解脣
聽取兩松常說法
居然北秀對南能

渾忘官職外形骸小憩還招釋子偕未必有疑須問答愛渠磨衲共芒屨

譚尙忠

字會文號古愚南豐人乾隆十六年進士官至吏部侍郎有紉芳齋詩集

遊馬鞍山

石磴欹斜上翠微
黎川風景到牕扉
雲橫遠岫衣千摺
水落平橋帶一圍
仙客何年乘鶴去
山僧向夕掃松歸
聞鐘幾動烟霞癖
檻外寒枝挂落暉

無題

東風無力耐春殘
倦體輕盈怯小寒
獨坐孤帷難自遣
細研松露寫秋蘭

周於禮

字綏遠號立崖嵎峨人乾隆十六年進士官至大理寺

少卿有聽雨樓詩草

蒲葭山房詩話少卿生在要荒性耽吟詠又嗜書法爲侍御時稍暇輒行琉璃廠書肆中見有佳者隨時售之宋元石刻既多真蹟尤不少故取褚顏蔡蘇黃米六家先勒于石蓋非全璧也旋以疾終所居聽雨樓在京師神匠胡同爲明嚴介溪別墅園初徐健菴尚書居之繼歸于陳陽史文靖公其後分爲數處畢君秋帆得之爲燕會禱詠之地及秋帆出爲觀察遂歸少卿迄今三十年是樓不知誰屬石刻亦無可攷

曉發

亂山迷向背一徑忽東西曉日明征路清風送馬蹄仰瞻天宇濶乍覺嶺雲低遙憶金華叟尋羊遍幾谿

襄城寄田玉年同年

雞幘關前路遙遙捲旆旌迴峯失雲棧一徑入襄城地適房陵舊人懷漢水清使星何處覓珍重故人情

武侯祠石琴

澹月低祠樹疎星帶遠林言尋沔陽路尙想武侯琴片石真
存漢無絃亦賞音挑燈讀古碣恍見出師心

出陳倉

黃紙除書媿我名三秋風雨捲歸旌飽經棧閣千重險還對
秦川一掌平陳寶祠荒迷故跡礪溪石在有餘清關心最是
隴城北古水長流日夜聲

穆丹

字荔帷烏雅氏滿洲正黃旗人乾隆十六年進士官至
嘉定府知府

同芷堂同年登松岡喇嘛寺

截嶽番寨高崢嶸佛寺壯探奇偕勝友歷覽懷抱暢初緣烏

湖海詩傳卷十四

四

道行漸陟羊腸上，硯房幽似墨。拾級頗冗長，土官偃僂迎。劍
佩光晃漾，樓塔矗雲表。欄楯環相向，登閣數座具。錦繡四壁
障，僧徒雜沓趨。鐘鼓演梵放，諸天佛菩薩。幻詭窮變相，蛟龍
互攫拏。鬼物逞撈掠，采鳳揭中天。貝葉森三藏，扱衣極冥搜。
拓窓肆高望，青蒼山遠近。蜿蜒水激宕，民碣雜市廛。高下紛
難量，悠然清景舒。豁爾心目廣，須臾駿奔走。樽俎執饋餉，入
口駭腥羶。下箸窘鹽醬，番童能大嚼。薄劣慚壯浪，番民貌睢
盱。番女態輕颺，匍匐延道左。相送何恭讓，愧非國工手。莫繪
新奇狀，徐君富文筆。韶鈞奏清唱，瓊瑤如我報。嘉惠永不忘。

惠棟

字定宇，號松崖，元和人。諸生乾隆十六年以經學徵。

蒲陽山房詩話：惠氏四世傳經至學士而大至徵君，而精論經術，必宗漢魏六朝，次
之，其于史子諸書亦必取自唐以前。六書從說文，輔以玉篇廣韻所著，凡十餘種。

先是東南交上疎子經誦自百餘年及徵君出山古學大昌丁卯戊辰後予與鳳鳴
曉微企晉從而羽翼之轍虛推由春秋經又為盡特所作行世西 四庫全書
紀曉嵐陸隴其力也徵君祖父兼精吟詠器識古雅後徵君少操精華錄訓纂亦
以變流之學行之故為該博其後經術日深不復為詩然其序取企晉詩謂詩之道
有根柢有興會根柢原于學問興會發于性情二者兼之始足稱一大家即其所言
亦該藝片常所奉為贊的者已時休寧戴東原震均以經學稱且長于九章三角之
術但所宗在江氏慎修多採宋元之說與徵君鑽研漢學者不同詩亦無聞因與子
善故附記于此 徵君最精于易先以李鼎祚周易集解為主復采之羣經注疏及
史記兩漢書諸注以發明孟喜卦氣鄭君爻伸虞翻納甲荀爽升降京房飛伏供五
家雜京房即大珠步衍減大衍四營十八變而以錢卜至今猶用其說至荀氏升降
已與經傳往來上下多不可通虞氏所學者僅有西南得朋東北喪朋及月幾望數
條其餘亦無從推究爻神本與卦氣相通而所云上直集星推之各爻皆難取象其
卦氣即六日七分自後漢書至五代史舊官皆用以驗中節六候而不可以釋經矣
且東漢時太初四分三統諸曆皆存鄭君又嘗注乾象歷于大餘小餘盈縮強弱不
知用何曆法以為推步此諸家之說難合亦難通故周易述亦以鄭義虞義為言而
不能因循竟委上符先聖微言也若孔安國古文尚書歷代大儒疑之徵君鈎深致
遠扶所從來雖毛氏宛詞無以解免其明堂大道錄及禘說具見三才之奧而于建
置在郊在國與凡室十二室太廟太室亦無定義故其子若孫述臨歿言以所著未
成為嘆王道後來同志疏通證明以勸復古乃近時英俊一知半解其非徵君守先
待後之意而背聖人

題高司寇其韋畫鍾馗

老堯生在東南方周行天下窮要荒生不逢世死作殤誓爲
明主殲游光頭帶雞父身朱裳居傍石室鄰銅墻庶疫剛瘴
莫我當以鬼爲飯霧爲漿阿誰出出嘯于梁擅吹玉笛偷香
囊老堯見之心怒張赫軀拉幹抽肝腸一朝疴疾除膏肓神
靈衛德感上皇畫師屬意追豪芒肖成堯體真軒昂千載絕
筆遠擅場誰其繼者高遼陽指頭蘸墨何披猖能與吳生相
頤頤周官設氏毆方良老堯遺像非荒唐開元粉本難評量
此圖應出千金裝詩成徒倚行風廊寒星欲墮天蒼悵

陳鴻寶

字衛叔號寶所仁和人乾隆十六年 召試舉人官至

給事中

黃嶺山房詩話寶所屬禮部舉正頗似晉魏間人與予同在內閣片五六年及余
遷禮部御史寶所爲給事中同在吏部故相知最深又好書畫時金壽門農工墨戲

重自珍惜獨贈余十六幅寶所見之借去賞玩累月既而索之笑曰我以此是爲性命矣其可還乎益性清幽僻如此詩瀟灑出俗如見其人弟鴻賓字用侯亦工畫附見後

胡敬銘招同杭莖浦諸人追暑分得帶字

我性旣畏炎矧方病求艾閉門謝熱客一榻掃埃壒
臺榭何驕坐卧歎無奈忽枉故人書招我西郊外
茶瓜足清供吳榜初擊汰四山曉翠分十里水風大
長林半翳蟬亂荷白搖蓋佳處指南屏一徑破深靄
寒泉沁詩脾陰洞寂羣籟拾級憩孤亭密影交松檜
相對禮數寬儘容弛巾帶清言暑不知如脫酷吏害
磨崖何年書字畫辨茫昧流連至斜曛茲游應數最
擬作追涼圖妙手倩誰繪載酒儻重來記取此高會

和梁山舟移竹用漁洋山人韻

平生山澤癯骨相寒少肉世味百不宜破夏來看竹好句如

項珏主人迴絕俗十丈東華塵得此始刮目颯然聲已秋幽
夢落崖谷坐待月影飾勿假一星燭

過汪二玉岑湖上別業奉贈

十年阻面惜心朋歸計菟裘歎未能近水誅茆輪爾早款門
看竹記吾曾生涯漫指營巢燕氣味何如退院僧乘興自今
來往熟春波一擢入西陵

六月十七晚赴西苑雨後宿雲公精舍

城西積水護田廬巖岫歸雲解駁徐柳影沙堤聞馬語豆花
籬落見蟲書多情涼月如看待可畏炎光且破除又復打包
烟寺宿一聲清磬萬緣疎

雨夜懷可儀弟

欲買湖莊費百金白頭行坐自沉吟少游有語忘新息老圃

何年學漢陰。廊野尙餘三。樂在具茨奚事五。悲深西風又響庭前樹。根觸平生聽雨心。

湖上卽目

斷岸枯楊不繫船。一雙白鳥破寒烟。願尋好手鑿東絹。爲寫重湖水墨天。

遊慈雲寺并序

寺建于周顯德二年在杭之城東隅舊有白雲居甘露泉鸚鵡院娑羅閣紫芝堂翠竹林赤松亭梧桐堦諸勝盡廢今所存者寒泉一泓苦竹滿徑及寺前之萬生池千衆井耳明蕭山魏驥爲寺記趙古書記後載東坡慈雲四景絕句石刻在寺今蘇集失載壬午夏日與汪五隨丁二傳道署過此感歎之久輒形于

詩

一牛鳴地意行遲吟遍眉山五字詩偶與殘僧話陳跡弄泉
看月立多時

佛像纔教毀作錢誰知初地占幽偏赤松老盡梧桐死石碣
猶存顯德年

顯德二年始毀天下
佛像錢正寺建時

七夕寄內

瓜果紛陳乞巧盤孤懷今夕不成歡人間亦有經年別可作
盈盈一水看

吳垠

字荀叔號杉亭全椒人乾隆十六年 召試舉人官山

西同知

蒲陽山房詩話荀叔為主隨編修從孫疏節鶴目眉宇軒然在京師如梁山舟陳
寶所王穀原諸君皆親愛之上勾股旁要之學直 綸閣者數年出為郡司馬又

數年而後求工詞子
刻入琴瑟樓詞鈔中

冬日寄王德甫

孟冬風日淒庭樹脫殘葉攬衣步前楹霜華覆地濕冉冉歲
將暮鬱鬱憂懷疊所思天一方道遠關梁隔矯首望飛鴻徘徊
回空竚立

鳳凰集阿閣梧桐生朝陽造化鍾靈異蔚爲家國祥明珠薦
玉敦太廟陳五英遇合會有時乃卜熙景昌之子楸楠材細
理敷文章班匠顧不用弃擲委路傍已矣復何道嘆息摧中
腸

朔風激塵鞅九陌弛軒車朝謁金張館暮譙許史廬新知若
膠漆灼灼春華敷昔時同盟友窮賤趨路隅高言諱姓氏目
笑何其迂所以楊子雲守元惟著書

我愛榮啟期帶索朝歌琴悠然得三樂舉世無知心高風一
遭至今傳濟陰吾友遠行客永慕梁父吟金函與玉牒省
勤追尋嗤彼於陵子毋乃避人深因風託情慤惠我瑤華

效香奩體

最憐曲榭近東牆長夏風微院宇涼絲線閑拋貪鬪草繡簾
不捲爲熏香牕中避暑揮團扇花下窺人佩錦囊眉語目成
都省記何時夢雨到高唐

寄德甫

征衫拂拭塵猶在風雪重呼江上舟辛苦可堪聞塞雁飄零
只合伴沙鷗收廬種竹成虛想古堞看花負勝游騎省年來
雙鬢改莫將青鏡照煩惱

長江東望雪廉纖料得推蓬朔吹嚴舊業凋殘嗟道路壯心磨滅爲蠶鹽人如失侶投林鳥事比沿流上竹鮎又挂一帆京口去西津潮落晚峰尖

客路茫茫仗友生王郎書尺訂鷗盟性因愛嬾難言學詩爲多愁易不平三洲湖波春草綠九峰山色晚霞晴何當與爾乘船去手把漁竿變姓名

褚寅亮

字指升號鶴侶長洲人乾隆十六年 召試舉人官刑

部員外郎

蒲山房詩話鶴侶少以制義名中年覃精學術宗惠氏之學一以註疏爲歸三禮并製習義尤通義服時公羊何氏學久無著習者所謂五始三科九旨七等六輔二類之義不傳於世惟武進莊侍郎存與陳會其解而鶴侶能闡發之世稱爲經業以病假歸主常州龍城書院八年終歸感有論燕其書尚存於家惜未登別刻後學無由津逮耳

題王德甫三泖漁莊圖

王郎著論同潛夫長身鵠立山澤癯十載相於道不孤譬飲
醇酒嘗醞醕忍饑朝誦至日晡汲深綆短陋俗儒嗜好酸鹹
與世殊弗趨榮利孰拔蘆圓泖之濱宅一區蒼茫震澤來委
輸菱荷荇藻紛縈紆水禽拍拍游娛隅橫雲秀出俯衆雛空
翠無定難名藝高人獨坐倚楠梧素琴一張酒一壺置身仿
佛在畫圖秋風忽起雲滿湖無數浴鷺兼飛鳬筆牀茶竈煙
艇俱短棹微茫入有無但聽欸乃聲子喁網來魚婢搗蟹奴
一笑頭銜署釣徒草堂佳趣致足娛浮雲富貴誠須臾愧我
長安塵俗軀如馬戀棧鳥在笄非畦藉園口就燕便接歸畊
返故部卜鄰君側相歌呼振頭繫柳池栽蒲風流來往無羣
拘吾將終老於是夫息壤在彼盟弗渝

懷王德甫

春風生夕館之子意何如靜對滄浪水閑鈔笠澤書禽聲鳴
復止雲態卷還舒想爾長吟罷憐予未定居

邵嗣宗

字鴻箴號蔚田太倉人乾隆十七年會試第一官至翰林院侍讀

鐵畫其大如幅積歲月始成故不可得所傳惟尺幅小景耳好事者以木範之懸之虛壁亦復四合而成一景其鑄錫之巧前此未有也購設後無得其傳者間仿爲之即工拙不侔其矣山舟紀之以詩并屬予同賦

劑鋼起頑礦百鍊轉靈秀歟從烈燄中飛精入支圖何年神
鬼工絕藝似指奏赤手操鑪錘突與筆妙鬪萬象宛轉成意
匠孰指授布散紛細碎層疊逞刻鏤有時規嶽勢生幻盡數
岫上聳簇螺髻下搶俯瞻味忽剪半江水挾勁作波皺滌洞

如有情石竇隱搜漱或狀花與竹葩葉互煦茂亦懸鳥與蟲
意態足飛走倣詭不可名一一畫心就本色留吾真衆形虛
與構異哉工僅指剛耿乃受揉奪胎無遁藏肖物中理腴創
此質而巧物理安可究得非龍護儔爐前默提佑不然古畫
師降靈弗待咒洩此造化奇神物敢呵詬流傳少益珍好事
那輕購粉墨有時消此畫與世壽

從軍行贈別徐生淦

徐六品服隨侍讀索爾延寶
定邊將軍印赴巴里坤軍營

徐生昂然來短後曼胡纓問生何爲者持符走從征自言平
生志談笑無丁零男兒輕萬里安能跼欄檻沙場枕戈卧仰
看天漠橫馬上飲葡萄焉知兒女情況今天子聖西賊
破膽驚疾遽走尺一萬里暗無聲將軍大威武金印如斗形
龍纒蟠十丈呵護超羣靈風雲赫赫欲動白日低行營會鈴一

紙書揮彼十萬兵蹴踏無空濶突瘴狂奔鯨生也壁上觀腰
劍亦爲鳴右顧天山服左盼交河清崔嵬玉門關杳與暮雲
平歸來笳鼓競一笑投青泮我請爲生歌去矣無留行少年
重意氣大荒亦門庭迂儒昧遠識坐令老此生長揖跨雕鞍
結束何鮮明脚下豪豬韉頭上烏鴉翎疾出橫門道回首春
城晴

梁同書

字元穎號山舟錢唐人乾隆十七年進士官至侍講

蒲褐山房詩話元穎爲我師交莊公長子少入詞館成寅大考驗庶何荷恩綸升
攝侍講旋充講官以丁嗣父憂歸嬰疾遂不復出而老師宿儒友人詞客踵門求見
必例屣迎之其新開貴人軒車過訪報以一刺之外未嘗往也罷詩尤工書東南士
大夫碑版及琳宮梵宇題額有求輒應而節鎮屬書則屢年不報海內益以此推重
三年詢及交朋始錄紙猶能運筆入
謝唐歐陽信本明文衡山之北也

秋圃雜咏同述庵作

白花何淡淡紫花何離離晚花角上總早花眉下垂一番涼
露泣幾點疎雨肥生香傍籬落風味野老知我來棚底坐散
髮斜陽時似聞絡繹語爲我寫鄉思

豆花

秋星曉未收光景淨於洗小草澹衆芳延緣青竹尾圓摺皺
欲舒一碧翦天水惜哉抱弱質開落朝槿似爲語牽蘿人莫
採此花盡采遲色不如采早露如許

叶牽牛花

昔人疏草木或云卽蒲蘆低傍青豆架高綴碧玉壺犀老腹
則堅斷取霜寒初小可供几案大可浮江湖所以王元禮愛
玩常區區詩成在一擲我愧非其徒

葫蘆

吾弟讀書處青乳顏其屋宿土埋深根蟠屈纒一束方春引
龍須怒走漲天絳漸看纓絡垂却喜珠露沃顆綻不容排色
淨似可漉遠人憶此無悔不涼州牧

蒲桃

沙壠寬作畦香苗自成畝年年秋社前磊落分子母黃割朶
朶雲紅萬纖纖手是時飽霜螯到處鳴壺白園官吾故人分
致意則原藉精儲瓶罌歸而謀諸婦意

蔬中有萊服是處種不乏尤宜出沙壤晚玉不勝摘北人麥
爲飯炎毒苦難戢生酥勝梨頭涼沁心肺葉園丁資地利街
市肩擔壓不見王爽兒千緡易宦業羅荷

題翟晴江書巢圖

先生吾故人相知逾卅載生平無一嗜枕藉書史內畫盡繼
之夜燈繁鎮長對丹青雜研摩筆耒事鋤刈編香動等身吟
嘯欲枯肺前生定書魚字字百雜碎所居城東鄉鍵戶謝俗
態茅堂開三間以書作襟背左旋而右拙上陳或旁睇縱之
復橫之亂疊斐几碍疑疑雨孫雛毛羽非凡輩攤書解滿牀

有若盤弄晬先生巢中居暇或示勤誨居然南面擁笏貽羸
金穢吾生眼如月情學淪幽晦豈無卷五千閣束同捆載少
年倏又過炳燭光不逮對茲巢中人能無生感悔

題陳九儀畫冊

述庵先生吾畏友一代詞場蹴輪手風雅端能被後生掄揚
輒向誇誰某絳帷弟子潁川陳詩名耳熟殊凡倫尤工繪事
逞餘技有才不偶徒風塵風塵漫說卑棲穩落拓官身稱吏
隱一檄來從青浦濱家江恰與錢湖近湖山藹藹湖波澄衡
齋几淨鋪溪藤折腰敢笑種秫令署尾胡礙哉松丞官閒大
可供瀟灑況有丹青足陶寫昨來示我幾幅圖幅幅林泉總
清雅神明古法師古意眼前誰復如君者我昔聞陽城主簿
陳仲仁畫格直與吳興隣又聞待詔陳子久渲染徐熙得八

九君家家法本天機一官可惜轅下機却將墨滿了公事等
是江南胡不歸卅年我愧林間住爲欠平生濟勝具讀君之
畫贈君詩留中觸撥雲烟趣安得煩君徧寫湖上山坐卧空堂
長不夫

題溫忠烈公遺像卷內附家信二通

名瑛鳥程人

釋褐官司李時危髮已皤四郊爭舉燧一掌獨埋河劍得知
心友書留正氣歌還憐妻與女相伴國殤多

已墜虞淵日揮戈孰與陽力難醫國活身遂與城亡小影蒼
顏見孤忠碧血藏易名褒 聖主千載發幽光

同弟

敦書

過江上舊廬

集杜

小徑升堂舊不斜夜來吹折數枝花已知出郭少塵事且盡
芳尊戀物華雲白山青萬餘里江深竹靜兩三家百年地僻

柴門迴弟勸兄酬何怨嗟

答友人作二首

卅年蒲柳早衰蕪壯不如人況老乎苦筭硬差良有願葫蘆
依樣已難摹休言報國文章在只合投閒草木俱物不答施
天地大始終慙負是頑軀

北望 君恩首重同一門三世盡栽培臣心不是菴蔬草天
意須憐擁腫材絮到泥沾飛不起豆和灰冷爆難開它生願
作銜環雀再上觚稜高處來

題百菊溪廡使雲樹歸舟圖卽送之黔藩任

辱公車騎馭經過忽漫相逢欲別何天下青山行處半

孟郊詩
舊說天

下山生在黔中詩坐中白髮去思多蠻童獠婦歸懷畏崗草江花入嘯

歌莫道 帝城雲樹遠它年旌節返鳴珂

錢載

字坤一號蘄石秀水人乾隆十七年進士官至禮部侍郎有蘄石齋詩集

蒲褐山房詩話蘄石齋博覽真率自如乾隆甲戌初夏從金檜門總憲一經齋與余訂交遂成雅契性豪飲常偕朱竹君學士金輔之殷煥陳伯恭王念孫兩編修過余冬夜消寒卷政學自必至街最三四下時竹君推藏東原經術而蘄石獨有進言論至學問可謂得失處蘄石頗發赤聚訟紛紜及置酒出門斷斷不已上車而下者數四月苦霜濃風沙遠劫餘客佇立以俟無不掩口而笑者善鑒別法書名畫望之審其真偽故尤工詩事晚年後仕歸藉以給朝夕乾隆庚戌年八十三上元日猶為子做詩鶴山梅長林修竹極雨葉風枝之妙詩率然而作信手便成不復深加錙鍊殆其鄉李日華姚綬輩人也

葺城丙舍

城至元嘉未志作于

嗚呼先侍御青衿劾大璫

明思陵初先公以貢生首幼隴忠賢思陵前有青衿詩生云

國亡身亦隨

萬古斯邱藏一子兩孫耐鬱鬱松柏行瓦屋得五楹歲久今

無牆嗟予幼失母靈樞安西廂陰寒風雨夜起立痛我腸人

生豈不貧所貴有扶將我身非草木天其忍枯僵支傾懼見

歷邪許多驚惶塗泥塞孔漏敢曰禦冰霜悠悠歲既宴父母
待於堂去府百里近拭淚歸村舡

湖山神廟

金沙灘外雨亂濕垂楊絲荷深欲無路遂入金碧祠亭臺出
秀樾下瀝泉成池池中雙文禽飛上魚梁窺日斜游女散玉
迴涼颼吹兩峯青忽斷濃淡雲歸時

涵白齋

虛窓夜氣流素壁天光聚獨坐夏成秋頻來客亦主明燈二
十年幾宿溪邊雨

游華山

飛瀑見晴

千尺雪石上刻句云
飛瀑晴迴萬仞峯

旋螺聞妙香僧言華山處華擁支

公堂秋出石路遠晚樹雲陰涼高高穿鐵壁

登道造觀處刻
鐵壁關三字

寂寂

轉蠶房腳踏繭苔動搖天風長飄然不染心不在菩提坊

題顧孝廉鎮毛詩劄記後

子夏不序詩昌黎語初揭夾漈攻己厲雪山廢何決斷斷紫
陽翁序既頗采列注奔二十四自作得無媒遂令後賢心於
此未能折沈重與范煜源流各疏別要之毛公學近古少頗
頡康成收三家尚欲補其闕逆志不以辭亦惟援據切孝廉
家補溪箋傳獨穿穴其先宋遺民作歌見風烈孝廉之先細二翁上
與元初程文海奏
謂訪求人材以召應徵乃避地芙蓉之荒莊紅豆春可損此有紅豆一本
細二翁手植後
常熟其詩有云吾貞所志在西山
為于錢名祖以莊樹後昆君也老著書樂歲飽糠粒劄記毛鄭朱而
十年今仍歸顧氏復生一本
旁及羣哲相逢在京師同舍同晝閉寒燈時解頤五十頭
未雪明年入太學將為諸生說孝廉以學正
薦蒙記名

九日竹西亭登高

湖海詩傳卷十四

五

開年秋已寒，茲日氣殊爽。復蹟倚勝情，攜壺發遐賞。

亭爲謝吟
所重構

寺隣北郭迴，阜較平山敞。江鈔數

上

風檣，天晶卓吟杖。崑臺

老蘚積，蔣圃涼烟上。籬短菊未黃，林疎葉時響。醉深不厭百

會偶，應難兩歌吹。定何如清言，屬吾黨。

集行庵題王西室水仙梅花卷

斑竹低窓秋影折，案頭橫卷披香雪。數叢綽約姑射姿，羅浮
仙來參入之。葉葉銖衣支玉骨，照渠只少光明月。涼颺拂鬢
不可簪，合將供養近佛龕。故知愛墨亦愛紙，子固元章兩居
士。

毘陵曉望

咸野平平岸，橫林遠遠村。水清秋更碧，烟澹晚無痕。魚菜將
船賣，雞豚並舍蕃。九龍山不老，窈窕麗初暾。

七月十五夜祁陽對月

湘水露華滿祁陽雲翠流今年無閏夏此夕卽中秋高館深
留客疎簾半上鉤舉家京邸話應憶到南州

飲望湖亭

落景延高賞歸韁託暫閒蕭蕭聞木葉渺渺見君山估客帆
檣去漁舟浦澈還洞庭今夜月醉我鬢雙斑

法源寺看牡丹歸飲王秋曹_叔齋

看過棠花乍歷旬微雲暖日又催人萬無九十屏風品一洗
三千世界春退院僧猶譚往事提壺鳥已喚比隣歡場得步
諸公後且門明燈現在身

杏花

杏花村落不勝情二月風光出趙城楊柳插簷人上塚江南

明日作清明

秦 黌

字序唐江都人乾隆十七年進士官至岳常禮道有石
研齋詩鈔

冬日旧居漫興

寂莫村墟杖策過寒林落盡水微波打頭屋只三間少負郭
田無二頃多陸氏荒莊成一笑陶家蕪徑較如何此中且住
爲佳耳收拾心情付懶窩

虛白窗生暖暖烟更無車馬漫喧闐冷官且免書牘勞孤帳
還疑作鶴眠庾信小園原有賦蘇公淨几豈無緣挑鐙午夜
回頭憶一別柴荆已廿年

周天度

字心羅號讓谷仁和人乾隆十七年進士官至許州知

州有十韻齋集

蒲褐山房詩話讓谷學問淵奧先以經學薦舉及爲詩以雄博見才而絕句中如
與吳南潤說丁山湖之勝云春波瑟瑟小橋橫十里沿河似掌平記得年時輕解
別杏花疎雨近清明山水銀塘宛轉通千絲楊柳盡垂風結隣合併東家住藏閣
遙臨一畝宮望九華山云寒溪百折繞秋屏石漱香林綠映真溪向懸橋間雙瀑
斜陽猶隔數峯青巖岩如鉅月如羅窗舊浮空夜色澄好似露涼風定後秋湖遙
挂九枝燈題張際中畫云蒼崖翠壁潤碧苔春入林樵向未和幾日小亭人不
東風吹過綠澗時風迴雁潏潏綠鄰源具管筆起現晴見說精魚初上水斜陽一
抹待潮生歸途云一枯浮渡大江東游戲真教初雨同下界卻談金地藏年秋
夜佛燈紅翠微仙掌萬樵柯東閣時棋閑地茶閑落岩前玉璫瑤吹香再訪鉢囊
花五溪事後響游凌席帽簾與一日還更上玩華亭上望隔簾黃對夕陽山諸作
九爲時
人傳誦

金聞石將之京師訪余淮浦維舟信宿出天山攬轡

圖屬題漫賦五言五十韻兼以錄別

丈夫貴壯游託意務開濟闔門詎事宜紆籌當遠諦與君同
鄉友結交始燕薊片言金石固情好逾兄弟尤軫用世心六

合一平睇余本凡庸質因君日摩厲困頓走塞垣君遠更數
遞雄疆綏遠城 皇輿職方繫是地漢甌脫元封首除薶旋
踵遺青蕃烏桓錯白題石槐關王庭猗鉅大饗帝歆仇水深
黑盛樂宮崇麗一從六鎮設懷朔屹屏蔽人民樂清寘毛物
競殷裔正光水德衰沈淪入荒翳倔強堯牟族狂忍恣剽剽
穹蒼厭昏德五日照妖沴豪椎鐵山碎力奪金人祭單于設
都護受降奉盟誓巨憝起幽陵荒服咸反噬自此外聲教隔
絕終唐世阻午部族昌遙輦霸圖纔鳴髀室韋逐橫戈屬珊
銳稽古制郡縣南面華風泣豐州及淨州表裏山河勢重元
代更易沿革事無著紂軍繇招討羣牧準前例維昔勝國中
義輪飄步噫板升一以築宜雲重顛癘所幸殺還終女戎生
燕璧表傾縻金縉墉言時婉嫵輒輒四十秋疆場日睥睨桓

桓我

文祖西略六師逮宏基恢漢南羣服走徒隸經
今又百年山高水清厲書生挾策至幕府富雄製寒泉九十
九弔古足流滯懣絹寫作圖紀勝擬書契別來三改歲相逢
河淮滙維舟一夕其去住兩迢遞三亭愼遲留行矣吾繼逝
夏夜集古榆別墅以月上風徐爲韻得上字

空館無繁聲庭戶延虛敞幽人暫息轡俗客謝來往過從皆
素心約履及三兩清談愜我願雜坐忘少長夕風來舒舒琴
樽薦餘爽古榆濃翠深暝色忽復上歡情託遐眇矯首賦河
廣小住亦云佳吾意屬荻蔣

題霽堂三十三峯草堂圖

研喻麋浴春星翦鷺溪絹揮蚶蛤阿誰寫此三十三朶芙蓉
青傍崑架築白版屋日未向午門常扃雲溶溶兮樹冥冥石

細路古盤營嶺暨陽先生卜居處畫手慘澹供模型先生異
材振羣雅天錫難老歸長齡平生作客不作官弓衣好句遐
方聆談經容可與馬鄭摘詞豈願儕溫邢學成名立五十載
冠蓋絡繹交前廷故山往往坐拋擲空令歲月搖于蕢尋常
捫腹且讀畫餘年準擬餐芝苓 太平天子重儒術要使耆
宿班頭廳浴堂之西拜 詔入烟霞未許長居停先生此卷
慎藏弄歸田後約煩丁寧猿驚鶴怨幸勿爾夙懷但遣盟山
靈他時載酒隨弟子好事借欲書幃屏漢西筠溪莫浪語役
驅花鳥真勞形舊聞看續吳地記再向某邱某壑一一微圖
經

楓香驛題壁

江驛近江城陰夏未清四山渾雨氣一路足溪聲攤飯安

長簾微吟對短檠勞人最多感飄泊若爲情

送陳桂汀表兄楚游卽用齊次風太史原韻

晴川春樹楚天波風物於今問若何漢水西來環赤壁巫雲
東下接黃坡歌徵子夜纏綿切賦入申椒感慨多無限江山
助文藻壯游其不羨鳴珂

烟水迢迢鬻子城郎當風鐸送君行莫偕宋玉窺鄰里偶借
蕭公作騎兵官閣攤書清畫夢閒宵聽雨對牀聲來朝我亦
揚鞭去紫塞前頭一鴈橫時予有貴府之行

過土木驛

一簣荒蕪統幕城

土木本編統幕今蓋語訛也

戰田犁盡綠郊平老成當日誰

謀國中貴何人竟盜兵忍使蛟龍愁失水幸無金帛與尋盟
傷心瀚海銘功日絕漠空煩三駕行

永樂三出塞勒銘曰瀚海爲鍾天山錫云云

冬宵獨坐漫賦示蘭浦任齋

嚴風撼撼小牕寒
爐雪初銷絳樹殘
此夜月華空似水
更無人起捲簾看

升降依人澹一燈
栽詩輕琢硯池冰
茶烟塵榻清無寐
氣味真如退院僧

故人別我挂征驂
滿目離情酒不酣
空羨隨陽一繩鴈
年年冬盡到江南

北郭聯吟

邵瓚豆莢翠眉尖
塔下葍絲雉尾纖
得似唐南梅醅好
紅玫瑰糝水晶鹽

邵皇親瓚出露豆最肥實三塔葍菜最芳
無齋南出梅土人嗜以供客色香迥絕

梅花勝日數西溪
永福山門路總迷
試上獨山山頂望
村村

香雪壓簷齋

西溪梅事最著近日橫里獨山村
人以種梅爲業花開鶴覆千餘里

高柳風蟬噪夕陽蒔秧歸去酒瓶香方池纔滴紅菱雨曲隔疎牕過晚涼

荒塍古堞暗栖鴉環珮魂歸識帝家春雨野棠開自落無人

知是玉鉤斜

六墓村距縣西七里宋宮人埋玉地今墓前堦矣

董元度

字寄廬號曲江平原人乾隆十七年進士由庶吉士改

官東昌府教授有舊雨堂詩集

蒲褐山房詩話曲江寄題蕭疎不為約改庶常後乞假南游來往蘇揚間寓廬雅雨署中良久與余同舍每把瓊論詩斷斷不倦於其鄉先生王貽上趙仲符兩公咸所宗仰未嘗有軒輊也乾隆丙午冬余以入覲過保定曲江適主蓮池書院往訪之則已薨然老矣在途假寒蓮塘以設故其詩清婉中多感慨之作

冬杪太史王丈西園先生暨之岩侍御紹衣翼子兩

同年邀同李雲卜先生虞典孝廉游陶然亭

澹日冷平阜寒林倚荒圃招邀上孤亭不記春前路憶昨早

春游晞陽媚烟樹水開新水融蘆長才如筋隔林紅杏花啼
鶯不知處日月曾幾何蒼涼失其故一年京雒中十丈迷塵
霧何期心眼開噩夢如初寤高坐做虛窓廓然成野趣庾公
興不淺少長懷情縈逝景豈可追茲游良非誤

夜雨讀宋太史次筠李上舍蟠木聯句見示詩慨然
感賦得六十四句

屋漏夜淙淙新舊雨相續短檠伴深更塔然同槁木何來石
鼎詩忽忽動心目捲幾沉吟愁腸轉車轂束髮入名場章
句恥碌碌希登作者堂大雅繼芳躅庠中能直達他山可攻
玉山谷鳥嚶鳴友聲應林麓車笠訂鷗盟上下雲龍逐琴臺
有朱君矯矯雲中鶴隴西佳公子溫溫荆山璞先後結同心
氣味芝蘭郁吾鄉名士多山川倍清淑佛慧數峯青明湖半

城綠俯檻聽鳴泉蠟屐訪修竹互荅以行歌夜闌更秉燭白
雪罷吟壇慷慨思重築聚散十年間萍飄不相屬強踏京華
塵抗顏還走俗蒙頭雪千絲堆胸愁百斛依然一故吾天高
漸塌促翳我同袍友華藻振新沐或登瀛洲侶然藜校天祿
或鼓成均篋槐市扇芬馥聯牀感離羣古道交相勗示我索
和章百感互相觸回首憶同游落落某布局雲散而風流勝
會詎可復況我本散人底事自羈足風雨攪中宵舊夢縈心
曲漁洋曾有言成句吾能讀冷落鵲山湖幾人爲令僕

偕沈學子陪雅雨丈渡江宿金山

生長齊趙間未涉江湖水欣附元禮舟談笑渡揚子張帆出
瓜步豁然心目啟天水接空濛浩浩去胡底隔岸數點青突
兀三山峙矍矍若輕鳧東下疾於駛風利忽思泊繫纜金山

趾舍舟快登臨逍遙陪杖履迴望廣陵城烟樹真如薜

渡江

平明漠漠霧全消遙指邗溝廿四橋渡口微風催短棹海門
殘雪咽寒潮驚心歲月愁方劇放眼江山興尙饒自笑孤蹤
似蓬轉一年三度過金焦

送別鞠未峯前輩

十載南樓折柳枝驪歌重唱鬢成絲客逢異地忘飄泊人過
中年重別離海內同心惟舊侶天涯屈指幾新知那堪先後
卽江棹正是秋風乍起時

題雅雨廬丈平山高會圖

好憑高處豁雙眸載酒頻來作勝游地脉遠從全蜀至山光
坐向大江收銜恩轉運重持節遲客登臨獨倚樓一自冶

春交讌後代興畢竟屬齊州

天涯倦客病維摩仙侶聯舟一再過饒有烟霞隨杖履不妨
山水當筵歌梅分官閣寒香早日傍揚州夜色多好事屏風
傳雙鰲使君鬚髯未全皤

移居

一肩襤被便移家藥裹書囊不滿車薄宦乍叨方朔米故人
昨寄玉川茶窓前殘雪初堆砌夢裏寒梅已著花爲憶鄉園
小兒女圍爐相對話京華

舟行雜詩

漁莊蟹舍接菱蒲浩淼烟波夜月孤一棧檣燈數聲艣輕舟
已過獨山湖

河流瀟瀟柳毵毵綠酒銀鱗盡日酣回首嶧山青不見長年

振柁入淮南

紀復亨

字心齋歸安人乾隆十七年進士官至鴻臚寺少卿

爲徐友竹先生題夏山圖卷

眼前何突兀睹此夏山圖匠心出北苑畫手今東吳連山起
何處駿馬爭馳驅竹樹忽虧蔽村落相縈紆石蒸雲氣熱澗
繞林風蘇高人靜無暑長日狎鷗鳬幽境造鄧尉烟波廓具
區懷鄉轉綿邈撫跡空踟躕昨與髯翁約謂程魚門卜築同吳趨
屏與城市近但爲山水娛寒梅結茅屋乳竇通齋厨客漫計
寒餽天或憐疎迂圖今爲息壤鑒此盟不渝他日接几席翰
墨辭不孤

沈清任

字萊友號莘田仁和人乾隆十七年進士官至川東道

十一月三日重過娘子嶺

木葉脫將盡殘秋又早冬三年思遠戍匹馬立危峯老衲清
茶供征夫玉粒春明春兵事息民氣定從容

爲王秋汀作畫每幅系以絕句

蹀躞同雷馬足泥蕭蕭吟篋落巴西蠶叢烟雨連天碧寫作
儂家罨畫溪

連卷老樹秋風健寂寞寒烟古道斜和淚寫來都不似同岑
萬里各天涯

斷港平沙葦葉秋天南極目碧雲愁不堪孤影空江老一道
哀鴻月滿洲

雪壓秋峯毳幕張五更刁斗斷人腸短衣匹馬南山頂風雨

湖海詩傳卷十四

瀟瀟相對牀

王辰夏秋之交予與述庵銀臺秋酒員外及浣花刺史並在此了軍營述庵秋汀同幕相洽及今圖此情味宛然

三尺枯筇走浣溪天涯吟客一時齊梅花十斛春如海老我

曾經紫笑題

前歲春初集時沙觀察榕樓查丈吳白華庶子王審淵太守楊竺湖刺史及曹秋漁秋汀主人朝夕聯題於此

門前垂柳嘶斑馬牆外新醪過綠醅落落晨星何處覓故人

真个畫中來

松花落盡松根老半顆茶烟石乳香我欲東山尋屐齒那堪

零落謝家郎

謝軒錄孝廉東璧同年長君秋汀婿也年未三十卒于家秋汀愛其私聲茶小熟花影蝶雙飛句屬寫此以寄恨

四圍流水清風徑兩鬢烏絲玉疊山桐帽棕屨收拾去與君

比屋話烏蠻

張鵬

字紀常號楚門吳縣人乾隆十七年舉人有楚門詩文

稿讀史別情吟橘膜編

鷓鴣

燕生八九子知傍誰家屋羣飛入簷牙高下翠可掬翩翩不
禁風哨競相續豈忘朱樓好而念幽人獨愛茲毛羽新愧
我華顛禿

移寓

重來銷夏處境僻足清幽不傍梁鴻竈常登王粲樓書聲風
捲出花氣月勾留但望中郎到青衫典酒籌

舟過匠門志感

滑滑泥妨步舟從曲折移水枯橋影沒沙漲橈聲遲一塔撐
雲出千簾護雨垂千將門畔過良治想鑪錘

聞鴈

一夕清霜落葉紛北窻夜靜鴈聲聞淒迷冷咽三更月斷續

寒衝萬里雲茅店夢回驚驛路玉樓人起瘦羅裙年年不負
愁中約待得鶯花又送君

秦淮水閣

虹影落晴波羅衫颺棹歌似含淒怨意楊柳六朝多

湖海詩傳卷十五

青浦王 剋德甫輯

翁方綱

字正三號覃溪大興人乾隆十七年進士官內閣學士

左遷鴻臚寺卿有柄設諸藁

蒲褐山房詩話覃溪年甫及冠已入詞垣而精心積學宏覽多聞所著兩漢金石記初稿卷甚衆以不艾正義擬欲芻蕘文惠而上之近年研精經術嘉慶己未予入山谷誠齋問難於仿遺秋谷聲調諸儒同與相與辨難斷竟日詩宗江西派也自作亦不能盡合山書法初學顏平原繼學歐陽率更隸法史長韓勅諸碑生平搜餉藏勸舊帖數十本是以北方求書碑版者畢歸之

陶然亭雅集分賦呈述菴先生

旗亭畫壁詩偶出騷人託英靈問氣集又非一時作公錄湖
海什聊仿真率約筵雖萃簪紳體不拘臺閣秋聲入蒲褐拈
出當郊郭城陰葭莢間山翠衣襟落夕陽州濛濛飛鳥去寥

廓觴忽望遠停聽爲懷人拓同聲感于喬在陰和爾鶴日佩
湘皋蘭誰喻檀園葦琴理了無因畫稿從何著試續西園記
還訂重陽酌

早發德安

七月十四日

翠嶺高下中蒙籠若無路前輿跨灣環後騎披草樹虵騰與
猿挂長窵知幾度建昌達星子一逕取斜注直避鄱湖險繚
繞屢穿互輿人肩左擔僕夫泥沒屨我亦衣袂上飽裏山葉
露晃蕩日出高曲折隘口赴香爐生紫煙句隨今始悟

靈秀泉

蘇軾詩云靈秀泉在德安縣下固立石名之

院居山麓間泉出堂階下傳聞始庀材泓然映新瓦實爲人
文光豈比磬間假我來試手斟酌量遞杯鋒慄乎於水監以
告飲泉者學務源委尋功政晝夜舍千峯蒸靈液一眼始愉

鶴蔭樾交桂枝泉前雙桂樹聰明比蓮社東林寺秀峯寺皆有聰明泉勿務發脈長深
愧滯蓄寡側望玉簾飛忽送山風灑

山南康府城西門望廬山雲氣

門開星灣北郡抱沙洲面旬日風四霾晨容豁一變融融霽
氣中野曠山葱蒨我與匡廬君始以真相見兜羅臂半臂玉
簾垂一線濛濛噓淡白吞吐青瑤片大哉膚寸澤端可六合
遍顧以晴翠光洗我連宵倦衡雲禱無私海市祈敢炫半日
竹輿上冷風有餘善

玉淵潭

步出長松門猶聽松濤響路滑不容立俯測潭深廣奇哉玉
淵宇其氣雄千丈建瓴東北來直瀉勢莽莽到此一洄漩小
作圓折養然後萬珠璣滾滾橫摩盪剗翻水晶宮神龍掣蛟

麟精靈來會合虛無出惚恍誰識中粹溫玉烟浮盞盞拈破
鯢桓機何如求象罔

五老峯歌

五老峯如五老人拔地千丈青嶙峋廬山諸峯出其下前後
連邨皆兒孫我從七峯溯三峽湖漪疊翠蒸曉暎全湖之勢
西北拱到此始見峯雄尊衆峯西來擁屏障一峯屹立蒼烟
屯一峯纔住二峯起肩差相讓顏相溫三峯中峙最雄厚背
負龍象鸞鵬鯉四峯與三嶺相亞其五離立仍孤蹲五緯之
精降南極榮光河維騰天文衡霍中間控翼軫斗牛紫氣三
垣分聚來匡廬奇秀處千里詠蕩開天門面南炎離炳正位
香爐獻壽精氣氤日月光華雲霧窟霞裾星珮清淨身妙鬢
曾鋪大雲海今晨萬里無纖雲我與老人來對面豈借點綴

空縵紛維岳極天作屏翰政要會合真精神山靈知我意有
在積翳一洗人文醇乾坤清氣在神骨必鍾靈淑於秀民湖
光圓碧銷玉鏡山容紫翠澄秋晏仰見蒼顛顧我笑試叩真
宰堪共論晚來雲意仍四合讓我游過徐吐吞我詩不要海
綿語請問初白誰識真

查初白有五
老峯海綿歌

雲片石

德雲菴過白雲菴遙見蓬蓬雲滿院度橋小憩橋西亭我與
白雲初對面一西一東從何來滾滾濛濛翳深殿忽然結作
萬尸戶羅列撐空諸惟變縱橫掀舞掉尾脊觀者循廊目爲
眩我從峰頂得脈來雲葉雲根初一線瓔珞華交妙變旋芙
蓉葉接堦羅罍泊來中央四合抱飄如衣袂飛如練茫乎浩
乎大雲海蛟鼉蟲鼠來酣戰對者下垂罔上升墮掣流星圓

劃電攝之靜坐凜仍逼氣欲蒸空青可鍊道人莫漫拈幻形
但執天花石巖片

天開巖

西嶺不識朝曦升地險石巨排層層中開一逕豁石壁危梯
如削不可登何年巨靈以手劈巖谷呼舞相然膺尙餘石縫
作開合右脅一掩千峻嶒石花噴綠苔蘚漬半巖松氣青相
承始知初日單巖際萬峰直下皆欄凭赤文綠字儘可迹架
戶鑿戶初誰勝傳聞岌業三大字開巖近自釋惠能又聞南
唐二徐筆螺篆遺法光金繩捫蘿四顧渺何在千佛題字迷
荒荊巖深去急覓未遍禹碑摹本空嗟稱俗儒信耳不信目
此習亦到巖間僧二楊釋文太指挂嗟此何足相蟲冰巖前
縵縵風掠耳露襟側帽寒凌兢

受翠樓

紫閣峰轉太古堂曲房直檻交迴廊樓背有峰峰背樹十步
五步皆礪岡宋齊以來垂黛綠真色不受秋空霜修眉嫋顏
與列髻凸凹濃淡排青蒼今晨雲霞昨烟雨石竇炯炯穿初
陽中峰左右屹兩股萬松萬壑森相當迴環到此大結束臨
高臺以層軒張拍肩挹袖絢掩映遠深近淺收丹黃漸空漸
俯忽無際奇哉登復不可詳江東諸山出檻外緣遶京口兼
維揚陰晴明滅極萬變嵐烟江靄同一光千里而規半掩勢
六扇窗甫寸目儼造化增損巧結構嗟此位置誰料量更上
有亭乃遜此其視平碧惟松篁乘除可悟清納法頓挫起伏
皆文章激射之雲一抒瀉迴輦忽又攘滿囊翠從何來不可
記旭照雲海仍茫茫

九曜石歌

九曜亭邊九曜石南漢劉龔故苑之遺跡愛蓮種蓮事俱往
千載仙湖水猶碧前秋訪石因登亭周遭顧盼疑列星五日
輒乘使車去未得剗苔剔蘚恣畱停古色摩挲入夢寐巾箱
髣髴圖真形一石圓頂如建瓴危根下削漱清冷一石四達
如疏櫺旁有直幹撐玲瓏樹與石抱石轉青往往樹皆過百
齡不獨昔日太湖靈壁浮海至影沙激浪增瓏玲崩雲散雪
那達一一數但覺嵌崿碑兀勢欲凌滄溟昨歸經冬水初退
坐看家僮洗萍塊雨漚磨崖字尙存泥淤仙掌痕還在虜糧
許刻次第尋陳九仙書童晦昧不知米家詩句刻何處想在
老樹根內文藻同時有傳否亭沼何心嘆興廢九曜石今
日誰能識音爲九一石獨台三石成此語聞又百年後藥洲

兩字亦是元章題斜日蒼烟但翹首

漢石經殘字歌

熹平初作皇義篇石渠故事追孝宣通經釋義事優大文武之道非丹鉛雕蟲篆烏那比數鴻都未立前三年議郎意不在工畫盍以正誤代傳箋蘭臺漆書敢私易煌煌日月當中天四十六石堂十丈聚觀車兩爭駢闐楊家遞著洛陽記宋初尚有斷石傳東觀論出御史府論語跋記董廣川成都會稽各按篋洪相入石精擊鐫因依破缺非貌古太璞粹氣逾于全吾鄉孫氏研山笈南原摹本殊不然隸原隸辨槩與籀毛槩黃槩烏非焉鄒平復聞張氏本研山又落吳淞船義門每用譏退谷弄藏鑒別相後先盍毛包周證魯義歐陽夏侯訂孔編越州閣北海水綠柯亭桐爨朱絲絃玉郎半圭虹貫

斗龍領百寶珠騰淵崑山

顧亭林

四明

萬季野

各有記我欲彙續

無由緣便當摹勒自此始消濡潤且尺研穿乞名蓬來扁小

閣賀梁語鸞來翩翩

漢建昭鴈足鐙款拓本爲述菴先生賦

井序

述菴先生以所得漢銅鴈足鐙款拓本見寄其文曰
建昭三年考工工輔爲內者造銅鴈足鐙重三斤八
兩護建佐博嗇夫福掾光主右丞宮令桐省中宮內
者弟五故家又云後大尉又云今陽平家畫一至三
陽朔元年陽愚按此鐙與揚州馬半槩所藏形式相
埒而遲圓稍弱半槩所藏者予嘗見其拓本中間云
重三斤十二兩以今所見此文云三斤八兩正足驗
漢代權量相去不遠而鴈焚樹詩注乃云四斤十二

兩則太懸絕矣末云護工卒史不禁省此七字爲句
其下又云某宮內者第廿五正與此燈中宮內者第
五之文相應而樊榭誤以某宮句與前一行連讀遂
訛省爲首又誤牽薛尚功鍾鼎款識所載蒲阪首山
宮鐘之文不知彼自在永始四年與此無涉也蓋半
槎所藏者銅質半蝕其文難辨遂致省訛爲首卒訛
爲衣耳攷漢孝成鼎云守令史永省又大官壺云主
太僕監掾若省又綴和壺云主守右丞同守令寶省
蓋省乃稽察之義猶漢碑云察書也今是鐘字字完
好且造於建昭賜於陽朔一器中有西漢字二段尤
可寶也爰作歌系於後

厲徵君詩內者銘我見拓文未見鐘君今爲拓燈款寄使我

砭談心忤忤甘泉泰時修故事河東后土屢薦馨初元以後
閒歲舉不獨涓選更迭經誰歟傳會首山祀荆山之鼎朝萬
靈賈慶造鐙在永始不合牽引來竟寧昔屢疑之未敢質得
此款記尤可憑其槩規旋徑稍弱漢權漢尺原相乘底曰建
昭側陽朔故家畫一於陽平前鐫後識歲一紀八分小篆絲
迴縈歐公恨少西漢字今乃一器雙妙并陽朔之題更圓勁
元尚急就篇初增半樣所藏字半蝕幾被亥豕紛訛承孰如
此鐙底瑩澤燦若列宿捫生稜剝敝裴煜不可作林華蓮勺
誰能評我詩不憚淨焚榭君藏庶可追廬陵

述菴先生見示新詩并惠周元公道州拙賦八分石
刻賦謝

披圖聚米當登臨握槩領鉛盡好音岸柳春風前度影江船

夜雨故人心口窩賦古波痕在挂月巖高草溼深判共城南
亭子上晚涼斜日試追尋

栖霞道中示謝蘊山

向記城東並轡歸詩情先逐曉雲飛重陽細雨遲黃菊六代
精藍冷翠微遠眺合教青眼共深談喜未素心違洞天且莫
題名姓苔蘚濛濛恐溼衣

峯巔一宿記吾曾已覺塵勞句可憎禪畫只添雲半幅幽居
豈在屋多層儘饒泉響來供客如許松陰可少僧尙恨不逢
新雨後栖賢三峽恐難勝

顧光旭

字華陽號晴沙金匱人乾隆十七年進士官至甘涼道
署四川按察使有響泉集

蒲褐山房詩話靖沙嚴歷中外雅著循聲早遂初衣杜門養母人尤以風節高之
生平詩文而外尤精書法今世以工書名者北則劉相國崇如孔圭事東山南則
梁侍講山舟王太守夢樓而羅興周觀察稚圭及靖沙頤頤其間殆無愧色山舟
涼道從制府歸延西川軍務所過尋讀烏道多作詩紀之丹徒陸炳錄入蜀徵詩
鈔

酆陵月

癸巳閏三月之望宿酆都官廨月上酒酣兀然而睡
夜過半起行庭中清光爛然憑闌坐翫援筆得長句
放舟不到巫峽雲拄杖不到幾眉雪仙都清氣盪胸來欲捉
銀蟾入蟾窟軒然已掛庭樹枝對影持盃醉兀兀隱几未覺
青山橫擁衾正識華燈滅神清夢冷沁肌骨斜逗一痕窗紙
裂攬衣啟戶思欲絕銀漢迢迢玉壺澈萬里而遙江影長四
通以後天容濶假令斫却惡木陰定放清光到牆缺人生對
月坐臥忽看我是霜點毛髮小時笑指白玉盤壯歲常依青

瑣闥瓊樓玉宇幾度看蜀棧隴雲行朱歇巴舟十日浪拍天
鎖色千重雨如潑信知春月令人悅驅烟掃霧春雲括一春
明月今宵發五魚名躍出江波凸月上如環復如缺月落啼
鵲更啼鳩籌筆無能謬持節聽雞爲賦鄴陵月

弓插

隔水斷漁樵橫斜壤木橋燒痕空樹腹雲氣束山腰已信人
蹤絕猶看鳥道遙嶢嶢餘舊壘半壁見堅礪

送人還江南

細雨華陽國嘉陵江水生綠波與春草萬里蕩舟行山木啼
鵲路汀花過客情鄉心渺何許直到海潮平

冬杪沈莘田招集張氏園亭分韻得支字

小築城隅路殘鐘歲暮時樹容臨水淨鳥影度雲遲欹石孤

蘇絡平橋獨木支誰將巖壑意折簡爲催詩

渠江絕句

軟輿輕夢宕渠邊林鳥頻呼上渡船緣到鴨頭春水足嫩晴
風色薄雲天

天妙閣

濯錦江空還似練大峩山遠只如眉天邊風露無聲處獨立
西南月上時

蔣宗海

字 號春農丹徒人乾隆十七年進士官內閣中書
送人竊隱出家

百年身世等浮槎脫却儒衣壞色加聞道授書還有女可堪
彈鋏已無家靜參南嶽千篇偈飽看西湖十里花他日相逢

惟一笑雲天瓶水是生涯

周大樞

字元木山陰人乾隆元年薦舉博學鴻詞十七年舉人
官平湖教諭有存吾春軒詩鈔

蕭褐山房詩話元木在京師寓虎坊橋小衙衙門有大非老屋三間蓋臨終日子
贈以句云小作常依元亮才出遊誰問孝廉船蓋紀實也學博而才長滔滔莽莽
動以數百言蓋其時浙中詩人如胡稚威桑穀甫皆門
奇駁異故元木亦如之然文從字順自較兩家爲優

丙申九日同趙虞咸

文熙

韞山文照

兄弟登高柯山

燕飲終日

好山如名人秀極照心目雖無干仞高磅礴意自足峯轉路
更幽雲開嶺還複霜氣變疎林晚紅間危綠芳質鬱嶙峋斧
鑿轉緣曲柯山石風供深伐深入
山底遂成石蕩十餘窅然得大穴有僧倚茅屋清泉十
餘泓寬者極百斛蛟龍深或藏魚蝦多可漉東南入古剎石

佛涌丈六經始記赤鳥彷彿字可讀西行愛小菴千竿憂翠
玉絕頂望鏡湖冰紉曳長幅烟洲錯其間瑣碎供麗矚方者
侔削觚員或類輪轂長嘯逗林杪驚鳴下鸞鵠萬籟號天風
清音競絲竹二子俱拍手呼僮酌醴醪半醉脫帽舞滿頭插
黃菊日莫不肯歸更深秉明燭

病眼數月不愈客勸靜坐省思慮以養之乃復作詩
自勵可一笑也

眼爲見色根天燭含內景晶然蒲萄朶流逸奔萬境愧非杜
父姿黠漆瞳雙炯春風惡作刷吹火變微告初如刺維末嚴
雷颺俄頃紅碧炫狂花舉目礙游騁生平阮嗣宗途窮悵莫
堪多白珠少青不見說女靚厥罰更何爲數月頰臙冥酒卮
久不視書帙亦復屏刮膜無金篦盧醫日煩請欲速翳轉深

徒然怒生癭有客張湛流古方傳示儆曰此大火聚弗熄勢
將種絕慮去其媒治躁厥惟靜譬如水沸甌爨止則清冷低
徊聽客言豁若咽去鯁顧視小窗虛天光自罔罔

都下食冬筍和稚威

論心思故人適口思鄉味鄉味不斲珍故人不斲貴平生酸
鹹意往往殊俗嗜盤飧足葵蓼紅碧自相媚雨翦春韭肥霜
摘秋菰膩佳品劇三冬箭萌深斲地搜搜凌雲心包含見鉞
銳莖以芥菹綠風味兩成契翠篠團東軒故人曾此對騎馬
向長安旅食隨所寄獻賦廁班揚 天厨拜珍賜一飲勺藥
和頌洗藜藿胃遇合會有時蕭條柰垂翅安得漢陽錢衝寒
買歸騎忽此鄉味新如與故人至把酒對故人歡言不辭醉
何用羅葷羶一箸萬錢費遠夢促歸心揚槲及春翠園林迸

韓龍穿籬萬頭出有買不論斤玉管愁破碎桃花煮斗米干
畝吞清翠

東牟怪松歌小引

松在寧海州治之城隍祠長六尺耳而大合抱枝柯
盤鬱團蔭數畝真怪物也

怪松昔夢天台圖怪魁作讚生嗟吁巖穴可笑貌何異
文承彰崎嶇鼎來海國見此樹意態宛與前圖符孤根拔地
甫肩及螭拏鳳樓橫鋪舒低頭再拜起卻立爲君徑前捋髭
鬚君懷落落勢萬丈崛強自與常人殊天風怒起作濤響潮
汐澎湃還交輪張蒼九尺自佳耳臣朔一囊將何如豈無淳
于及平仲壓倒十萬長身夫凌雲特起縱斤斧拔擢杞梓連
枯株大菜細柄各有用裊以朱絲銜以珠或駕國馬馳交衢

亦有貫月三秋桴不然偃蹇空山隅餐英彷彿來仙姝胡爲
潦倒混城市坐令拍手羣抑揄蟲穿蟻剝古灶創癰腫十圍
同散樗柳州作記竄逐後虞卿著書窮愁餘爲君嘆息復起
舞仰視亭亭白月孤

長安燈夕篇

東風吹徧鳳城春晴旭暉暉麗色新雲舒三素環璇極鵲
立千官侍紫宸芙蓉雙闕峩峩起王侯夾道羅朱邸十二
交衢練影浮東西翠幃流波駛去去流波歲復年畫雞貼燕
門芳妍纔過翦綵來人日又見傳柑話上元上元綺節春無
價華燈處處懸朱榭由來繡陌隘行人况是金吾罷呵夜夜
影遙瀉月華吹笙伐鼓競紛沓漸晃星毬畱白晝全開火
樹煖千家千家萬騎喧喧出紅榮皓魄交光射別開錦市向

帝天爭舞文鯨連太液鳳腦虬膏維豹脂鯨花倒暈笑枝枝
明綃薄似瓊雲護寶絡紛如珠露垂游螭戲殺來無數涎涎
玉燕亭亭鷺裁成新樣值千金費盡妍心邀一顧別有仙人
列似麻絳幘緋纛擁雲車一羣日戶飛炎鳳十丈天台建晚
霞杏梁錯落明珠迴披敷厭勝垂蓮井銅琶錦瑟門新聲畫
燭金鴛叢艷影艷影新聲劇可憐脂開北地靨痕鮮畫閣獸
炭茱萸幔未散鯖盤瑇瑁筵魚龍百戲紛相逐腦膊春聲催
爆竹榮光深照玉河明香霧遙連西嶺複百年秉燭幾歡娛
此夕鯨華不可無人間爍爍飄朱燼天上離離見白榆鹿園
爭路飛埃裏貴游意氣凌霄紫橫陳方禱凭絲囊爭看文衫
結珠履紅馳驅影響瓊珂相逢趙李夜經過換將寶珎千樽
碎擊碎珊瑚一曲歌銀旂花勝春人聚鉶車相喚看燈去慢

水層層
燄裏迴行雲
片片烟中度
譙鼓遙撾漏
轉深
蛭膏猶
自耀芳林
燈光似月明
君意月色如
燈照妾心
妾心君意交
相向流
蘇香煖
青牛帳
但使春燈夜
夜懸長教
碧月團團漾
曲街長街去
復來管絃
轟續幾樓臺
生憎唧唧
嗟雞聲早不
奈
瞳矐曙色催
年年行樂昇
平日浩蕩
弄衢忘
帝力禮樂調
爲玉燭光
圖書煥作卿
雲色西北還
聞罷舉烽
征人迴馬
戍樓空春風
併度羌中笛
明月長彎
塞上弓
翩翩枚馬承
恩遇拔擢
梗枿連箇
籬已看燭影
送金蓮更使
窗痕畱玉署
寂寞東來賦
人藜釭獨對
客愁新夢迴
憶得江南岸
索笑垂垂一
樹春

隆福寺觀市一百韻

天街古剎東北隅
峩峩丹碧暉
琳玕長廊千步直
且紆吹螺

湖海詩傳卷十五

十一

擊鼓樓緇徒一月三集作市區問胡爲此貪其租紛紛日出
誰見驅車牛擔負來蔽途隧分貨別期速沽由來方物集

帝都冠袍靴袴與襦羅紈綺縠充曳婁別其黑白亂紫
朱虎豹狼貍貉鼯鼪千羊之皮千腋狐別有金雀繆以珠珮
環簪珥飾彼姝食味適口萬品腴豚肩雞臠何足懷搔拘鮐
鱉羹鴈臠醢醢千甕酒百甌秋菰春韭筍及蒲櫨梨棗栗落
萬株厥包橘柚來荆吳糗粢餅餌雜粉麴饅餠粳粬滑比酥
松風茗芽烹玉壺近者尤尚淡巴菰入口爛裊一縷狐屬有
百疾葯物扶或進苓豕鬻薑蕒其器松栢兼檀榆彫文彤漆
黃金塗北人燔土作釜桴亦維定汝堆盤觥剡藤三萬葉几
鋪麝煤鵠眼及鼠鬚赤脚之婢長髯奴有畜在圈禽在籠爲
君擊筑歌烏烏琵琶箏笛簫笙竿就中青幕紅氍毹鐃鼓舊

物誇瓊瑤大者鼎鼎小者爐一刀一鏡一觚盂歷歷似閭宣
和圖或參外貨工詭殊中庭卷帙良可吁苟錯諸地藉以芻
坐令金垢紛相污故知世俗多輕儒雜沓寺外臨交衢千蹄
馬市混驥駑駘驪駘駿魚駒駘涓人已死伯樂徂有脚千里
何爲乎珊鞭玉勒金僕姑壯士來買五石弧吞刀吐火緣都
盧蒲人雜婦百戲俱黃衣道士賣佩符或矜祿命推榮枯歲
除正見書鬱荼駢闕萬足唯利趨顛倒輕重欺精粗子母出
入心計劬僉僇鼓舌爭錙銖古者爲市法噬膚負販救敗思
有虞我行其地適有須慳囊撲破羞青峽廊陰漸轉日欲晡
偶逢列砌坐販夫自言八十非故吾當年交易轉轆轤大賈
不滯小不悞得錢易粟資妻孥卽今來去空日盱餘貨壓擔
無人呼我聞此語行踟躕利以劑義貴灌輸貧不學齋富自

數古稱節儉誠遠謨不度其勢議或迂升平生商較昔逾生
產益分得不痛固知濫巧不中模饒買乏賣困始蘇人失人
得言豈誣盡吟蟋蟀歌山樞富者益肥貧益癯空諸所有惟
浮屠染指尙復思斟斟而況蚩蚩彼氓愚皇皇求利何足誅
有親欲養子欲娛往來親戚歡臘腹不得餓死爭須臾高賢
在職民愉愉

讀書柯山精舍趙韞山以詩寄贈次韻奉荅

不妨烟月卽超然曾讀南華第一篇成佛未甘居謝後論文
那得在廬前聽鐘磬寺千山裏打槩蓮塘萬樹邊肯作連宵
風雨話簷端只許白雲眠

雪後石帆太史留宿寓齋賦詩贈荅用東坡集中韻
應是前身賦雪纖多公文彩過徐熙脩髯繞作離離竹妙句

清於昔昔鹽蠟香風聲時撼戶微茫星勢欲垂檐一博試話
平生事退盡鋒稜笑筆尖

對樓無定似流鴉謾說詩書載五車空谷幾人愁倚竹長安
何處好看花關山忽漫同爲客談笑還疑舊在家此夜漁磯
應有夢板橋紅漾綠溪叉

陸 燿

字朗夫號青來吳江人乾隆十七年舉人官至湖南巡撫
撫有切問齋集

蒲褐山房時話則夫粗然而廉清操自勵開涉書史亦多爲樸實有用之學其文集亦然著漕運考若干卷皆有益于河渠及爲山東布政以巡撫督糧不相能乞終養歸再起至湖南巡撫時總督以閩兵抵長沙問夫知鄂耶還署總督鈕祜祿君特昇額來候直入解中方午食見所食皆菽乳菜蔬訝之曰天不雨十數日矣地方官或殺清齋故所食如此總督素豪侈聞語阻然嘗其奴曰吾北來傳舍酒肉如山何不以前雨具告耶語畢歸寓舍悉撤其豐饌人羨總督之知過而益歎君之清德感于人者速也其後卒以勞瘁病瘵而歿其友徐貢生堅入視含斂室中別無長物嘆曰一貧至此卽不死亦難度日矣今入祀鄉賢祠

太倉道中

百里中吳水東流近海門溼烟通蜃氣淤岸有潮痕落日孤
城迴陰雲野市昏伊人住何所今夜倒芳樽

時訪王存素於所居西園

除夕

慣作經年客今宵倍繫思酒闌辭歲後人靜獨吟時雁去關
門近書來石里遲遙憐雙白髮明日又添絲

偶感

喜無側媚干時術不作姸姍諛慕文知己未妨當代少浮名
深恐後人聞研池餘墨臨窗試初地清香盥手薰決計疎狂
竊微祿閉門寂寂似揚雲

高園同阮唐山同年作

中庭促膝共遊廬諧笑云云習未除苛節剛於相熟後淡懷

長似訂交初才華須讓連城璧
蹇劣誰持下坂車夜久不知
河轉角柳梢缺月挂方疏

袁文康

字作山保山人乾隆十七年舉人官姚州學正

蒲褐山房詩話袁氏爲永昌世族弟兄文典文掾咸知讀書鄉學能悉滇中傳事
子先在滇三載作山率其黠從來受業尤喜講宋元人理學而致知格物以陽明
爲宗涵養醇粹器識充
然蓋中原士人所少也

沙陽夜行

飲罷遂振鞍不待聞雞舞游子促鄉心憾未生飛羽昏黑巡
檢坡石樹皆射虎帶醉下江峰嚴關已閉戶夜靜濤愈惡莫
能辨譙鼓茫昧一痕天殷雷送密雨僕夫怨寒甚羸馬亦生
怒顧我候繻人屏息倚簷廡酒醒相慰勞世事多愁苦此行
雖不子閭歷非小補不見題柱人非遽致華廡底事哭窮途

險夷恣自取語罷曙光生款關率江潯

馮廷丞

字均弼代州人乾隆十七年舉人官

按察使

爲曹慕堂題凡山水圖

山峰滴翠山骨肥山樹漫綠兼紅菲背山臨水開荆扉約略
正枕紆迴磯仙人拄杖衣丹絳飄飄獨去忘所歸潯陽極浦
含落暉亦有遠樹如秋腓布帆兩葉烟中微傳聞此筆仙所
揮叩頭炷香固可祈安用幻藥調蚌璣空堂沉沉羃布幃鈴
聲一振風雨飛鶯溪五尺烟霏霏慕堂學仙癯不飢獲此何
啻身受機邀我作詩窮依稀我言曷不張房闌數數注意凝
長晞乾端坤倪忽發機山水動盪雲因依翻身蹈舟舟橫碣
武陵桃花是耶非世人撫畫空吁歎

訪法源寺牡丹因飲王述菴西曹齋中

殘春猶有鼠姑繁走馬來從古寺看結夏僧閒都退院

天月上人

惜花人到共憑欄眼中節物渾相負醉裏光陰且自寬不是
仙郎能愛客銜盃邨得到更闌

阮葵生

字吾山山陽人乾隆十七年舉人官至刑部侍郎

梅花書屋圖爲伊雲林題

去年曾作憶梅詩細數平生看梅處朝來乍披梅花圖此景
依稀夢中遇前山後山雲氣滃小橋遠帶寒塘渡數椽精舍
寄岩坳竹外窗前逗香霧小閣工吟何遜詩擁書戲擬廣平
賦往蹟君應憶武夷舊遊我亦懷元墓草堂空紀古淮干風
雪久拋湖上路

余家勺湖草堂在淮城西北隅癸巳秋黃水灌城梅樹皆被淹沒

詩成掩卷轉長嘆卷

端愁讀故人句

卷首有朱五竹君題長句竹君於前月下世

周震榮

字清在號篋谷嘉善人乾隆十七年舉人官武清縣知縣

蒲陽山房詩話清在一行作吏久淹下邑而嗜書好古留心金石文字之學又愛禮賢士大夫如章進士學誠徐鄭坡陳以綱兩明經皆延之賓館所撰武清縣志詳核有法又取鄭氏周禮注刻之詩不多作則此可見一斑

金塗塔拓本詞

鳳皇山前萬松嶺碧波雲鶴空遺亭表忠觀但存二石金塗塔
況餘千齡深宮五夜範金土如來西城常畱形白蓮蹟古已難問
白石詩在猶堪聽家山夢遠桐鄉好雅事翠墨爭傳靈坐想撫安千載上
驚生異人五季丁弩卻胥濤樓登雪排倚石筍山圍青萬姓依王王佞佛
佛身千億千穹冥蜀漢同

時紛割據頻年戰伐悲
磷螢錦繡千山恣逐鹿
觸蠻一角終憐巖翠鈿
紫陌春花輦私第黃金
海物瓶還鄉唱罷王孫
去保叔崔巍月入櫺烏
井荒祠遺老拜北邙宿
草東風醒君去更尋握
髮殿蒼苔敗瓦或有功
臣型

張五典

字叙百涇陽人乾隆十七年舉人官上元知縣有荷塘集

乞陸二柳畫水竹屋基圖

吾家涇水陽古原對畢郢渭川在其南修竹千畝整振衣到
崇岡遊目時引領斷靄浮太乙殘雪明秦嶺獨於蒼茫中愛
此蕭蕭影風雨自刁騷晴霽得明觀心並綠天濶興隨碧雲
永殷勤約此君共我茅屋冷中田兩泉眼渟渟載枯槓本來

無町畦儘與窮幽屏風前揖柳波上俯藻荇請搦瀟湘管
爲寫簣管境濶筆吾已辨溪茶與山茗

將之松江

秋風昨夜到來初料理扁舟任所如顧我步兵堪絕倒宦游
還說爲鱸魚

胡溶

字安公鎮洋人乾隆十八年鄉試第一官蕭縣教諭有
吟石先生集

君子行

君子貴知命屢空非所憂身不忘溝壑心不爲怨尤飢不飯
嗟來渴不挹濁流練衫擁冬夏園蔬薦春秋行歌時捉襟出
門無所求立志老飢寒道義能自修悠悠富貴子嗟哉傷蟬

游

述志詩

達生觀物理浮世歎人化秋鴻足稻粱春蠶有桑柘震霆無
鳴冬嚴霜不質夏百年爲大齊瞬息亦代謝君子知自然好
整復以暇川澤難爲高岡陵難爲下奇功難爲賞虛名難爲
借富貴非可求神仙或多詐代食希賢願言請學稼

都門喜晤王忠齋同年漫賦奉柬

忠齋名宗綱字秩登穎上人

七載相思盡驚心見面初鬢眉看漸改蹤跡定何如花信中

春老天涯舊雨疎比隣逢作客不獨慰離居

自甲戌出都于今八年而面諸公重者不及五

十人矣悲舊寓與予相去數武

十二月初二日泊仙女廟

東風吹客過灣頭幾許離情獨夜舟岸轉時藏林際火雪明

遙見水邊樓三年舊雨應成夢一盞新醅試破愁不爲短篷
衾似鐵竹牀常擁五更裘

甲申立夏次日爲余初度讓山邀集寓齋漫賦

花陰庭院午清和九十春風似夢過小酌自消遲日永故人
偏喜異鄉多隣園櫻筍三年隔旅次星霜兩髻磨檢點南窗
學安樂天涯何處有行窩

廿二日又雪登樓漫成

寂寞花朝雪尚殘又逢深雪一樓看紅燈水榭逡巡酒白髮
青春料峭寒世事不辭求馬骨天涯還爲就猪肝蕭蕭更憶
隄邊柳二月中旬欲放難

春雨漫成

春雨蕭蕭向曉寒
蕭條情緒好闌珊
關心世事如書讀
過眼

功名比夢看燕石至今原可寶隋珠終古不輕彈紙牕破處
來花影頗識閒中有靜觀

抵揚州

西風五兩搗聲柔斜照分明水上樓三載天涯千里客淡烟
疎柳又揚州

吳維鰲

字廉夫太倉人乾隆十八年舉人

集南園作峨眉小松謠贈旧在兼呈竹娛

世人不識峨眉松是松非松問坡公坡公騎鯨數百載請將
吾意叩鴻濛蠶叢以來蜀國古積雪欲沒峨眉峰元陰慘澹
白日閉窮岩安得蒼髯翁西方羽人多異術帝遣繡取湫中
龍雷雨一夜妙變化紛紛鱗甲散作千萬叢烟霏霧結自何

湖海詩傳卷十五

九

代至今青青之色凝纖茸凌雲一寸心故在兒童竊笑蒿與蓬君不見兔絲附長松長松百尺何鬱葱一朝被伐橫道旁兔絲引蔓還春風嗟哉下士悲不逢首陽爲拙柳下工細觀物理未足異達者非達窮非窮願君持示竹娛老嚬然一笑將毋同

吳桂

字一萼鎮洋人乾隆十八年舉人官潛山縣教諭有優然堂詩草

丁沽阻風東錢大讓山

誰唱公無渡孤舟客鬢凋風欺官道柳月湧海門潮淺渚鷗眠隱寒空鴈陣遙萍蹤愧良友徒賦小山招

梁夢善

字兼士號午樓錢塘人乾隆十八年舉人官蠡縣知縣

有木雁齋詩鈔

蒲澗山房詩話兼士爲文莊公幼弟風神簡遠弱不勝衣脚欲茲歌非其好也奈未兩成計借北上簪蒿子蒲澗山房作木雁齋以自況豈魏晉風流去今未遠

小除日偕施茗柯游惠山寺

緩棹梁溪又一時九龍山色互參差竹鑪烟靜茶初熟佛院
香銷客到遲是處雲巒皆入畫偶來池館好題詩殘年莫漫
嗟行役游屐今朝得自隨

秋草

捲簾人自對西風回首天涯悵望同金谷園中行跡斷碧雞
坊畔舊游空梧桐影落斜陽外蟋蟀聲寒小院東記否踏青
時節近畫船歸去太匆匆

秋風嫋嫋倍堪憐舊日曾來拾翠艸謝客詩成聞暮雨晉公

莊廢賸寒烟羅裙捉蝶經三月紈扇流螢又一年太息紅心
憔悴盡輸贏誰與鬥嬋娟

九月十二日出都自廣渠門抵張家灣登舟有感

通路亭邊聽雁聲暮雲無際且南征西風禾黍臨官道落日
牛羊近古城生意漸如衰柳盡浮生只共片帆輕勞勞蹤跡
年年是淒絕天涯此夜情

病中偶述

飛騰意氣復何時病裏形骸百不宜薄宦竟同爲客苦長貧
方悔治生遲癡僮誰奉王褒約老嫗空吟白傅詩蒲柳望秋
憔悴甚朱顏已是鬢成絲

朱休度

字介裴秀水人乾隆十八年舉人官廣靈知縣有壺山

吟稿

蒲桃峪

昨尋易水源

在廣昌縣城外

今亂易水流糾結成隘口天險扼咽喉是

名蒲桃峪高低列戍樓客行愁詰屈下上窮冥搜撥石蹠硜硜涉波車浮浮羊腸霜滑道雁陣風驚秋身如緣竿掛心若懸旌游歇鞍入村店喘息類吳牛餽飫聊充腸欲憇不自由山盤水更複日仄前途修

集杜題巽妙軒壁

蕭蕭古塞冷忽已歲時遷未負幽棲志添予別興牽喜無多屋宇自有一山川置酒高林下溪風爲颯然翠屏宜晚對碧色動柴門豈異神仙宅不知城市喧衰顏聊自哂世事與誰論到此應常宿讀書秋樹根

春日歸舟集唐

曉風芳草竟芊綿
畫出清明二月天
行盡江南數千里
一村桑柘一邨烟

朱休承

字伯承秀水人
相孫之孫乾隆十八年舉人
官城固縣知縣

題鄆縣邱氏學敏古樹

仲孚東臬舊草堂
中有松柏參天長
龍蟠攫網出牙爪
風至漸瀝吹笙簧
高樹慢誇杜陵宅
古木應笑平泉莊
麻姑未來方朔去
人間誰與論滄桑

盧鎬

字配京鄆縣人
乾隆十八年舉人
官平陽教諭有月船

居士集

蒲初山房詩話配京間黃太冲萬充宗之學故爲浙東人士所推重君秉純儒其詩高遠直通紫桑險韻長歌亦得眉山一體薄君學端稱其學凡三變卒底于成惜爲詩不自收拾後人僅存別卷未足以盡其長也

初夏與張潛也顧清芳清濟清標徐鳳來管余諸生
游孫湖集護法寺以茂林修竹清流激湍分韻得茂
字

香草生幽澗世外匿深秀曲曲尋湖源冀以覩柔茂時當夏
景交衆山紛綵縟遠遠水中姿蘋香襲懷頭因造松竹林歡
焉酌醇酎村濃深綠浮座寂繇絃奏沉吟各支頤散策羣引
脰檻泉弄珠琲石屋蔭華構日永任游行源遠失窮究
清隱卷不果好月送歸舟餘霞橫翠岫回首白雲深幾時重邂逅
欲尋新龍潭上

冬日南村偶書

暮色從何至蒼蒼一片平烟生山欲去人遠月空明天入風
霜老詩成夢寐清何須問衡霍世外亦兼名

施養浩

字靜波號茗柯錢唐人乾隆十八年舉人官榮經知縣
有出塞入塞詩

邊碑

雪封烟鎖迴難攀卓立貞珉鎮此山集古欲增金石錄搜奇
端自漢唐還銀鈎勢作迴戈勁紫蘚紋疑戰血殷堪笑閒僧
能好事強將頑礦擬斑斕

巴里坤有漢永平二年敦煌太守常惠將軍將部
卒五千人誅呼衍王壽建祠以祀今在西門外崖
正九年大將軍霍去病開山道又
得唐姜行本紀功碑字亦殘缺

進嘉峪關

幽詩風景見窮邊寒谷生春藉力田勝國僅聞呼瓦刺 天

家已見圖祁連毡裘君長今安在戎馬書生事偶然出塞等
閑歌入塞

皇恩軫恤俟三年

到神之次年即奉
恩旨俟滿三年再奏

王日杏

字丹宸無錫人乾隆十八年舉人官刑部主事殉金川
之難贈光祿寺少卿

陶然亭題壁

西山晚翠上孤筇斜照神州殿閣重
蘆葦蕭蕭渾似雨寒聲
併入隔城鐘

僧舍茶烟滿竹扉繩牀暫憩亦忘機
萸香菊淡人無語聽到
哀蟬落葉稀

賈虞龍

字煥若大興人乾隆十八年舉人早卒

暑夜檢亡友龔子鮮遺詩愴然感懷作

閱世不一人萬古共明月浸我庭除間浩浩如可掇無人共
幽賞獨對亦清絕長天寄塵海生命輕一葉低心避訕謗縷
縷變元髮此意訴何人茫茫隔存沒

存殁何足惜念此身後名之子美文藻早歲蜚英聲詩成千
萬言筆力戈矛橫譬彼江海濤適與天風迎斯人今不見太
上難忘情剩有手種竹夜夜搖空明

題伏生授經圖

晨光入牕睡未起誰扣我門朝夢驚授經之圖置素壁畫師
十口經營成在昔西周初播亂岐豐王氣歸秦嬴惠文武昭
養賓客連衡合從諸侯爭二周賢孰日奔命祖龍仗劍王綱
傾千年禹鼎入泗水海若走避蛟龍迎先王法物自寶貴不

受秦辱潛其形矧乃列聖著謨誥煌煌大訓垂遺經天奪其
心盡焚燬不使巨典畱秦庭挾書有禁著在律豈惜萬古聲
兼盲異哉當時衆博士四百六十稱諸生西行入關縻好爵
驪山硎谷遭其坑發機填土骨撐拄可憐一死鴻毛輕爾時
伏生在何所鶴飛鴻漸緣青冥漢皇龍興奮三尺赤符手握
扶炎精蕭相圖書習秦陋叔孫制禮徒硜硜大文不欲就淪
喪愁遺一老王朝植髮白面皺口無齒徵召不耐蒲車行詔
曰汝錯往授受聱牙詰屈難爲聽裙屐胡爲立几席天然吐
秀如調鸚古文篇章四十六始味嗽蔗終建瓴咄哉智囊不
善學外託經術專刑名刻薄寡恩導漢帝宗藩削弱非人情
陳屍東市亦草草坐令吳楚生妖星先王作書道政事當時
面命空丁寧此經之傳歷千載諸家賤注紛畦町解經經亡

湖海詩傳卷十五

西

聖道晦思之終夜心忤忤我披此圖一惆悵衣冠肅穆堪儀
型安得鑄金日朝禮呼之欲出來精靈

故明侍御史沈公殉節詩

公諱履祥起家進士爲福建縣令以養親去官絕意
仕進爲父母所迫出爲桂王監察御史爲王借餉福
建聞王兵破死於台州

蠻烟蒙嶽蠻山青猿啼鬼嘯秋冥冥壞鏃斑斑土花蝕游鱗
黯黯戰場腥西風吹處殘魂哭天命潛移難再復南渡猶聽
漢苑鴛中原早失秦庭鹿父母生余何不辰四郊飛檄走烟
塵聊爲郭外勸瓜客試學柴桑種柳人頗聞越地開軍壘故
國遺臣投袂起石城羞說褚淵生厓山欲殉祥興死騎兵悍
將索軍和憔悴朝侯少敝襦宮中不見金錢賜壁外空聞庚

癸呼奉詞告糴風帆疾遺庶何人倉府實捐助惟聞卜式賢
窮搜豈用宏羊術家亡國破竟何歸行殿蒼涼秋草肥夢度
重關依故主淚和碧血點朝衣 聖朝寬大恩波廣釋縛
憐忠寬法網齊桓不記射鈎仇漢祖將行雍齒賞耿耿孤忠
矢不移全拋馬革付荆莢至今越水流嗚咽來往行人哭蘇
碑

陳文錦

字絢齋楚雄人乾隆十八年舉人官騰越教諭

雜感

我本將家子從軍有歲年烽亭竇四守坐老南山邊日卸官
原食走狗射飛鳶羽書一夜馳心膽飛賊前韓盧喜短草騏
驎鳴秋天豢養終惠愛微軀寧惜捐鋒指無完敵蛇豕安足

患誓清南海波以奠蛟龍淵

年少使俠氣鄉里頗見苦樗蒲擲百萬甌石不足數羽檄檄
外飛壯志隨風舉朝占壯丁籍蔣食辭門戶行行踰九陸望
望抵白古元蠶大如瓠封豕羣嘯聚狂象結陣來詎論豺與
虎旌干揮毒霧巨敵衝瘴雨汲飲雷淵旋靡散熏腥腐鬼子
雕題煩倏金漆兩股黑齒嗜人肉嚼骨詎肯吐鏖戰動十日
晝夜不安處將軍按劍馳丞相日循拊微勞安足程一命輕
如羽生當勒燕然形埤列珪組死當爲鬼雄訣絕故鄉土

將之騰越畱別倪雲洲先生

孤生園中蓬紛飛越長道詎有青雲姿東西跡如掃芳草萋
路隅春禽變昏曉君子崇高義世德敦夙好軫念無衣客不
自快朝飽浮雲忽異色羽聲傷懷抱曉子亦何言愁心蔓如

草征車首前路西極漫漫浩浩會合常何時千秋期共保

蛩

小閣渾無夢寒蛩獨有聲似憐風雨夕勸慰索居情響近窗
間切聽來竹畔清涼秋知又近月落見參橫

除夕

雞聲人語漫蕭然酒醒殘燈尙未眠三十六旬都浪過偏將
一刻惜流年

湖海詩傳卷十五

湖海詩傳卷十五

美